

THE
UNIVERSITY
OF CHICAGO
LIBRARY

DE
FABULA DANAEIA.

DISSERTATIO INAUGURALIS PHILOLOGICA
QUAM
AD SUMMOS IN PHILOSOPHIA HONORES
A B
AMPLISSIMO PHILOSOPHORUM ORDINE
IN
ACADEMIA FRIDERICIANA
HALENSI CUM VITENBERGENSI CONSOCIATA
RITE IMPETRANDOS
SCRIPSIT
PAULUS SCHWARZ
SLESVICO-HOLSATICUS.

HALIS SAXONUM,
TYPIS PLOETZIANIS (R. NIETSCHMANN),
MDCCCLXXXI.

PARENTIBUS BENIGNIS ATQUE CARISSIMIS

HUNC LIBELLUM

PIETATIS GRATIA DEDICAVIT

AUCTOR.

Hac in dissertatione cum fabulam Danaeiam, quomodo scriptores veteres et artifices tractaverint, explanare mihi proposituerim, primum de poetis et Graecis et Romanis, qui in hac fabula vulgata versati sunt, disseram, deinde, quomodo illa in Italia permutata sit, paucis agam, tum qua ratione fabulam Danaeiam veteres interpretati sint exponam, tum de artificibus, quos fabulae nostrae simulacris effingendae operam dedisse memoriae proditum est, et de artificum operibus nobis servatis, quae ad illam pertinent, verba faciam, denique quid fabula illa antiquissimis temporibus sibi voluerit, paucis dicam.

Ac prima quidem Danaeiae fabulae commemoratio facta est in Iliadis libro §, ubi vers. 315. sq. Jupiter in Ida monte Junonis fraude captus huic unquam se adeo amore inflammatum fuisse negat quam illo puncto temporis, neque cum alias feminas pulcherrimas neque cum Danaen amasset, ut vers. 319:

*οὐδὲ ὅτε περὶ Δανάης καλλισφύρου Ἀκρισιώνης
ἢ τέκε Περσῆα πάντων ἀριθμέκτον ἄνδρων*

sc. *ἡρασάμην*, legimus. Quibus e versibus nihil aliud quam Danaen Acrisii filiam a Jove vitiatam Persei matrem factam esse elucet. Totum autem hunc locum inde a vs. 317. usque ad vs. 327. additamentum esse posteriore tempore factum negari vix potest. Quanquam enim cum alii tum Bothius¹⁾ illos undecim versus nec invenustos et ferendos esse existimavit, et propterea, quia tum licuisset uxoribus inducere pellices, quibus vel pulcherrimis se praeferri gratum fore Junoni videretur²⁾, et quod verisimile sit, Homerum eo consilio tot

1) in edit. II. a. h. 1.

2) quod et Heynus attulit in ed. II. a. h. 1.

Jovis amores commemorare, quos nunc contemnit deus, ut quanta sit quamque mirabilis vis cesti, quem gestat Juno, intelligamus, ac postea argumentatione satis diversa Bergkius versus illos defendit,¹⁾ tamen equidem Aristophani Byzantino assentior, qui haec verba et Jovi et huic rerum conditioni parum consentanea damnavit. Cf. Aristonici ad vs. 327 adnot. ἀθετοῦνται στίχοι οὐδὲ ἄκαρις ή ἀπαριθμητικές τῶν ὀνομάτων μᾶλλον γὰρ ἀλλοτριοτήτην Ἡραν ή προσάγεται καὶ ὁ ἐπειγόμενος συγκοινηθῆναι διὰ τοῦ κεστοῦ δύναμιν πολυλογεῖ, καὶ Ἀριστοφάνης προηθέτει.

Et omnes fere, qui nostra aetate Iliadis carmina vel ediderunt vel commentati sunt, Dindorfius, Duentzenus, Kochius, Faesius alii²⁾ Aristophanis Byzantini et Aristarchi sententia comprobata hos versus undecim repudiaverunt. Fr. Jacobsius quidem „Si quis”, inquit,³⁾ „alius in Homeri carminibus de interpolatione suspectus esse potest, hic certo est, in quo sciolus omnes doctrinae suae copias effudisse videtur. Nihil pro meo quidem sensu insulsius hoc amorum catalogo, neque quidquam inertius hoc certe loco et tempore, quo Jupiter coniugi amabilis videri cupit.” — Spitznerus autem ipse nec Jovis ardori nec Junonis dignitati haec verba concinere dicit. Deinde recte Faesius tam multas neque vero omnes feminas a Jove amatas illis versibus enarrari, quibus tantummodo versuum qui antecedunt sententia explicetur, hoc quidem loco absurdum esse adnotat. Praeterea idem cum Bergkio discrepans nullam nos facere iacturam monuit, si versibus illis undecim amissis legamus:

1) Gr. litgesch. I, p. 610: „Die Kritik hat jene Verse streichen wollen, . . . allein in diesen Worten liegt eben nur eine gewisse selbstverhöhnung. Wenn man die Verse tilgt, dann erscheint die rede des gottes matt und entbehrt alles rhetorischen pathos, worauf es dieser dichter überall abgesehen hat, der weder religioses gefühl, noch tieferes gemüt besitzt, dem es daher auch gar nicht sonderlich um psychologische wahrheit zu thun ist.”

2) Nuperrime G. Christ de illis versibus idem statuit in Fleckeiseni annall. 1881. p. 146, Iliad. σ vss. 39 — 49 rectissime comparatis.

3) In Iliad. edita a Spitznero curata a. h. l.

- vs. 315. οὐ γὰρ πώποτέ μ' ὁδε θεᾶς ἔρος οὐδὲ γυναικὸς,
vs. 316. θυμὸν ἐνὶ στήθεσσι περιπροχυθεῖς ἐδάμασσεν,
vs. 328. ὡς σέο νῦν ἔραμαι καὶ με γλυκὺς ἴμερος αἰρεῖ. !)

Hos igitur versus undecim, quorum duobus Danaes mentio fit, quanquam posteriore aetate fictos esse, quam carmen in quo insunt atque reliquas Iliadis plerasque partes concedere debemus, tamen iam satis priscis temporibus interpolatos esse arbitror. Certe iam ante Pisistrati aetatem in Iliade eos exstitisse nemo negabit. Videntur autem a rhapsodo quodam, qui occasione argumenti illius pluribus explanandi usus est, docte quidem, sed inficte interpolati esse.²⁾

Illam igitur fabulae Danaeiae apud Homerum commemorationem vetustissimam in literis Graecis putare debemus. Nam proximus in carminibus epicis de Danae locus exstat in scuto Herculis, quod dicitur, ubi scutum cum multis aliis tum his verbis describitur (vs. 216):

ἐν δ' ἦν ἡρῷον Δανάης τέκος ἵππότα Περσεύς.

Quo ex versu nihil aliud accipimus, quam in Iliadis loco de fabula nostra scriptum reperimus.³⁾ Sed etiam totam de Danae Perseoque fabulam iam illis temporibus notam fuisse concludere licet ex Hesiodi carmine, quod theogonia dicitur, ubi inde a vs. 270. usque ad vs. 286. certamen Persei cum Graiis Gorgonibusque enarratur. Graecis enim nullam aliam causam Persei ad Graeas Gorgonesque itineris cognitam fuisse, nisi illam, quam apud ceteros poëtas mythographosque infra reperiemus, opinari licet.

Jam ut transeamus ad antiquos mythographos, Hellanicum, quanquam non de Danae ipsa in fragmentis servatis

1) Miror, quod Welckerus in libro de Aesch. tril. p. 378 illos undecim versus interpolatos esse non censet. Lachmannum autem (betrachtgg. über Homers Ilias) et G. Hermannum (opusc. V., ubi de Iliad. libris § et o disseruit), quanquam de illis versibus tacuerunt, tamen eos non damnavisse vix crediderim.

2) Simile aliquid censere videtur Prellerus gr. myth.³ II. p. 59.

3) Cf. etiam Hecat. fr. 358 Müll. τῇ Δανᾷ μίογεται Ζεύς.

memoriae quidquam tradidit, tamen, quandoquidem Acrisii mentionem fecit,¹⁾ Danaen quoque commemorasse verisimile est. Pherecydem autem, qui γενεαλογίας conscripsit, totam de Danae fabulam, quatenus nobis pristina forma nota est, uberrime traçasse e fragmentis illis, quae scholiasta ad Apollonium Rhod. IV, 1515 affert, intelligimus, ubi in hunc fere modum de Danae historiam enarrat²⁾: Acrisio ex Eurydice³⁾ cum filiam Danaen procreasset de maribus liberis oraculum sciscitanti deus respondit, filium ex filia natum iri, qui ipsi necem illaturus esset. Id igitur Acrisius pertimescens aëneo sub terra cubiculo⁴⁾ constructo Danaen cum nutrice inclusit⁵⁾ Jupiter autem in aurum commutatus per impluvium in Danaes sinum delapsus cum ea concubuit.⁶⁾ Postea vero, ubi Acrisius Perseum, quem tres vel quattuor annos natum ludentem viderat, de filia partum esse comperit, a Jove eam compressam minime credens, nutrice suppicio affecta, filiam cum infante in cista conclusit atque in mare proiecit. Quae cista cum in Seriphum insulam delata esset, Dictys eam sustulit et puerum educavit. Imperium autem Seriphi tenebat Polydectes⁷⁾, Dictyis frater, qui Danaes amore captus, cum eius coniugium propter Perseum iam adultum nancisci non posset, amicos et una cum his Perseum convocavit, iisque ob Hippodamiae, Oenomai filiae, nuptias celebrandas eranum se esse collaturum dixit. Ex quo Perseus cum quaereret,

1) Frg. 116. coll. Sturz., 29 Müll.

2) Cf. Eur. frg. ed Wagn. Paris. p. 690 et 695. Singula praeclare interpretatus est Welckerus I. l. p. 378 sq.

3) Genus Danaes paternum recenset schol. Eur. Hec. 887.

4) Pherecyd: οὐάλαμον ποιεῖ χαλκοῦν ἐν τῇ αἰώλῃ τῆς οἰκτας κατὰ γῆς, quibus cum verbis cf. praeter Welckerum et Gerhardum in libello de Danae picta aliqua conscripto (Berlin. Winckelmanns- progr. 1854.) p. 8. not. 16.

5) Cf. cum Pherecyd. verbis Pseudophocyl. vs. 215:

Παρθενικὴν δὲ φύλασσε πολυκλείστοις θαλάμοισιν.

6) Pherecyd.: ἐν τοῦ ὁρόφου χρυσῷ παραπλήσιος ἔει, ἡ δὲ ὑποδέξεται τῷ πολπῷ, καὶ ἐκφίνεται αὐτὸν ὁ Ζεὺς τῇ παιδὶ μήνυνται. quae ad verba Prellerus I. l. II. p. 60. not. 2. haec adnotat: „Ein erklärender Zusatz, denn eigentlich ist der regen das befruchtende.“ Aliter Gerhard I. l. p. 8. not. 22.

7) Praeter Welcker. I. l. p. 379. cf. et Preller. I. l. II. p. 61. not. 2.

quaenam convivis symbola afferenda esset, ille vero equum diceret, „Gorgonis caput“ respondit Perseus. Postero die rex a reliquis equum poposcit, Persei vero equum non sumpsit, sed ei ut Gorgonis caput afferret, imperavit.

Quod mandatum Perseus diis adiuvantibus praeclarissime confecit.

Reversus autem in Seriphum insulam Perseus matrem cum Dictye propter Polydectae violentiam ad aras configuisse vidit, quapropter regem impetu facto aggressus est. Is amicos convocavit, quibus Perseus aversus Gorgonis caput ostendit; qua re factum est, ut Polydectes et qui cum eo erant in lapides transformarentur. Deinde cum Dictyn Seriphī regem constituisset ipse cum Danae Larissam Pelasgorum profectus est, quo Acrisius Perseum pertimescens se receperat. Perseus autem cum avum iam sibi reconciliasset in certamine discum iaculatus illum invitus interfecit. Quo sepulto Argos se contulit.

Hanc Pherecydis narrationem Apollodorus (p. 42 sqq Bekk.) secutus esse videtur.¹⁾

Iam Welckerus ex Pherecydis verbis fontem Pherecydeae narrationis carmen aliquod epicum esse conclusit²⁾. Item Gerhardus l. l. p. 3 adnotavit: „An die geburt des Perseus von Zeus, ohne einmischung eines sterblichen vaters, geknüpft ... war Danae bereits dem ältesten homerischen sowol, als hesiodeischen epos bekannt und mochte in einem gedicht gleichartigen alters und schlages, einer Phoronis³⁾ oder Perseis mehr oder minder selbstständig behandelt worden sein.⁴⁾ Nach solchem epischen vorgang ward der Danaemythos von Pherecydes aufgezeichnet.“

Atque Pherecydem carmen epicum secutum esse non sine probabilitate e tota eius enarrandi ratione coniicere licet, quae

1) Cf. Robert, de Apollod. bibl. p. 67. Translata est Apollodori narratio in Zenob. proverb. I, 41: cf. Leutsch. ad h. l. et Schneidewiniparoem. praef. p. XXV.

2) l. l. p. 578.

3) Cf. O. Mueller. gr. litgesch. ² I, p. 177. Kinkel, ep. Graec. fragm. I, p. 209 sq.

4) Gerhardus eodem libello p. 8. not. 11 affert etiam Eoeas.

copiosior est atque diligentior, quam aliorum, qui de eadem fabula memoriae aliquid tradiderunt, mythographorum.

Carmen autem epicum illud, quo Pherecydem usum esse statuo, aliquod Hesiodeum fuisse existimaverim.

Versibus enim extremis theogoniae Hesiodeae illis deabus enumeratis, quae cum viris mortalibus se coniunxerunt iisque filios i. e. heroas pepererunt, poeta a musis petit, ut genus feminarum mortalium canant, cf. vs. 1019 sq.:

*αὗται μὲν θηγοῖσι πὰρ ἀνδράσιν εὐνηθεῖσαι
ἀθέανται γενναντο θεοῖς ἐπιείκελα τέκνα.
νῦν δὲ γυναικῶν φῦλον ἀείσατε, ἡδνέπειαι,
Μοῦσαι Ὄλυμπιάδες, κοῦραι Διὸς αἰγιόχοι.*

Quibus e versibus aliud carmen exstitisse appareat, quod de feminis mortalibus, quae heroas a diis ediderunt, egisse videtur; in quo carmine Danaes quoque expressam fuisse fabulam quis est qui neget?

Duo autem exstabant carmina huius argumenti, quae ab Hesiodo composita esse dicebantur, *κατάλογος γυναικῶν* et *ἡρоῖαι*¹⁾. Jam cum dubitari possit, utrum carminum illorum Pherecydes secutus sit, equidem Eoeas, quarum enarratio admodum copiosa atque subtilis fuit, quam Catalogum, quo satis breviter atque presse quoad e fragmentis²⁾ intellegi possit, omnia enarrata erant, pro Pherecydis fonte habere maluerim, cum id carmen, ex quo ille fabulam nostram deprompsit, uberius fuerit necesse sit.

Jam vero his expositis transire liceat ad poëtas lyricos.

Ac primum quidem in has partes vocandum est Simoni-dis Cei carmen illud *ex omni antiquitate tenerimum*³⁾, quod

1) De quibus cf. O. Mueller. I. l. I. p. 168 sq., Bergk. I l. I. p. 1001 sq.

2) Kinkel., fragm. epic. p. 90—135 et p. 135—146. cf. et Bergk. I. l. I. p. 1003 et 1005. Mueller I. l. I. p. 171.

3) I. l. I. p. 1005.

4) Schneidewin. Simon. Cei carm. rel. p. 74, quo libro singulae quoque huius carminis partes explicatae sunt. cf. et Welecker. I. l. p. 380. Extremo autem tempore a Nitzschio hoc carmen tractatum est in Mus. Rhen. XXIII. p. 480 sq., a Blassio in philol. XXII, p. 140 sq., quos quicunque aliquid de verborum lectione cetero discere vult accuratius, adeat.

nobis traditum est apud Dionys. Hal. de compos. verb. cap. 36: cf. Athen deipnosoph. IX, 396, E¹⁾). Describitur autem, ut Athenaei verbis utar, ἡ διὰ πελάγου φερομένη Δανάη τὰς ἑαυτῆς ἀποδνομένη τύχας.

Danaen quidem ab Acrisio patre cista conclusam in mare projectam esse etiam Pherecydes tradit, qui quanquam omnes fabulae nostrae singulas partes uberrime tractavit, tamen quam multis in mari periculis Danae una cum filio opposita fuerit non descriptsit²⁾. Quod quidem argumentum Simonidem ex suo ingenio finxisse negari vix potest.

Deinde fabula Danaea tractata est a Pindaro locis compluribus.

Ac primum quidem existant verba haec in c. nem. X. vs. 10:
καὶ γυναιξὶ καλλικόμοισιν ἀριστεύει πάλαι
Ζεὺς ἐπ' Ἀλκμήναν Δανάαν τε μολὼν τοῦτον κατέφανε λόγον.

His ex verss. Jovem et aliis cum feminis et cum Danae concubuisse intellegimus. Idem abundantius narratur acceduntque aliae fabulae nostrae partes in c. Pyth. XII. vs. 11 sq.:

Περσεὺς ὁπότε τρίτον ἄννυσσεν κασιγνητᾶν μέρος,
εἰναλίᾳ τε πέτρᾳ λαοῖσι τε μοῖραν ἄγων.
ἡτοι τό τε θεοπέσιον Φόρκοιο μαύρωσεν γένος
λυγρόν τ' ἔρανον Πολυδέκτῃ θῆκε ματρός τ' ἔμπεδον
δουλοσύναν τό τ' ἀναγκαῖον λέχος,
εὐπαράνι κράτα συλάσσας Μεδοίσας
νίδις Δανάας· τὸν ἀπὸ χρυσοῦ φαμεν αὐτορύτουν
ἔμμεναι.

Quibus in versibus tota fabula, quam apud Pherecydem reperimus, continetur; sed differentia aliqua est in vs. 14 et 15:

..θῆκε ματρός τ' ἔμπεδον
δουλοσύναν τό τ' ἀναγκαῖον λέχος.

1) Bergk poet. lyr. 3 p. 1130.

2) Cf. Apoll. Rhod. IV, 1515:

οἵα δὲ καὶ Δανάη πόντῳ ἐνι πήματ' ἀνέτιη
πατρός ἀτασθαλίησιν,

Hoc igitur carmine, cum apud Pherecydem (quem ex antiquiore poeta hausisse supra statuimus) Polydectes tantummodo a Danae ut secum matrimonio coniungatur, petat, Perseo absente Polydectem illam et diuturna servitute tenuisse et cum ea stuprum fecisse enarratum est.¹⁾ Verbis autem

*τὸν ἀπὸ χρονοῦ φαμεν αὐτορυντοῦ
ἔμμεναι*

ubi Jupiter imbre aureo cum Danae coierit, Perseum natum esse significatur. Similiter Pindarus de fabula Danaeia verba fecit in c. Pyth. X. vs. 44 sq.:

*θρασείᾳ δὲ πνέων καρδίᾳ
μόλεν Δανάς ποτὲ παῖς, ἀγεῖτο δ' Ἀθάνα
ἐς ἀνδρῶν μακάρων ὅμιλον ἐπεφνέν τε Γοργόνα, καὶ
ποικίλον κάρα
δρακόντων φόβαισιν ἥλυθε νασιώταις
λιθινον θάνατον φέρων.*

Attamen aliam de hac fabula sententiam a Pindaro ut dicunt prolatam legimus apud schol. Iliad. § vs. 319, in quo fabula vulgata de Jove per pluviam auream in Danaes gremium descendente enarrata haec sequuntur verba: ..*αὐτη* (sc. Δανάη), *ὧς φησι Πίνθαρος καὶ ἔτεροι τινες, ἐφθάρη ὑπὸ τοῦ πατραδέλφου αὐτῆς Προίτον.* δθεν αὐτοῖς καὶ στάσις ἐκινήθη. Horum pleraque ex Apollodoro II, 4, 1 petita esse, qui tamen nihil de Pindaro scripserit, recte Boeckhius²⁾ admonuit. Quodsi illa, quae scholiasta de Pindaro affert, vera esse putaremus, hic prorsus aliam traditionem quam solitam secutus esse videretur. Atqui iis, quos supra attuli locis, quae vulgo de Danae

1) Eandem sententiam scriptam legimus in epigr. illo Cyzicensi (cf. Anthol. Pal. III, 11):

*"Ἐτλης καὶ σὺ λέχῃ Δανάης, Πολυδέντα μιαίνειν,
δνσφήμοις εὐναῖς τῷ Λιὲ μεμψάμενος
ἀνθ' ὁν δύματ' ἔλυσε τὰ Γόργονος ἐνθάδε Περσεὺς
γνία λιθονργήσας, ματρὶ χαριζόμενος,*

et apud Strabon. X, 487: ... τοῦτο δὲ πρᾶξαι τιμωροῦντα τῇ μητρὶ, ὅτι αὐτὴν Πολυδέντης ὁ βασιλεὺς ἀκονσαν ἄγεσθαι προείλετο πρὸς γάμον συμπραττόντων ἐκεινων (sc. τῶν Σεριψίων).

2) In edit. Pind. ad fragm. 38. (tom. II, 2. p. 635).

memoriae prodita sunt ipse enarravit. Maximam autem offendendi causam praebet narrationis illius indoles a Pindari ingenio satis aliena: hunc enim Persei genus atque originem tanto-pere elevasse parum credibile est. Atque illud quidem constat, posterioribus temporibus Danaes fabulam per vagatam nonnullos aut in dubitationem vocasse aut interpretari conatos esse ita ut Apollodorus et scholiasta nobis illam tradunt. Nomen autem Pindari fortasse aliquis, ut his verbis maiorem praebaret fidem, male adiunxit, quandoquidem Pindarum saepius numina et dignitatem deorum veritum fabulas vulgatas mutasse e carminibus eius elucet. Nota sunt quae de Pelope Pindarus protulit; cf. etiam carm. Olymp. I, vs. 28 sq.:

ἢ θαυματὰ πολλά, καὶ πού τι καὶ βροτῶν φάτιν ὑπὲρ τὸν
ἀλαθῆ λόγον
δεδαιδαλμένοι φεύδεσι ποικίλοις ἐξαπατῶντι μῆθοι¹⁾.

Neque igitur Welckero²⁾ Gerhardoque³⁾, qui eadem de causa a Pindaro Danaeiam quoque fabulam illa ratione mutatam esse coniecerunt, assentior. Ceterum etiam errore aliquo commemorationem Pindari apud. Homeri scholiastam ortam esse statucre possumus, modo veteres scriptores in referendis aliorum dictis non summa omnes diligentia agere, multaque ex memoria potius, saepe infida, quam ex ipsis libris promere reputemus.

Sequitur, ut cum in lyricorum Graecorum operibus, qualis fuerit huius fabulae tractatio explicaverimus, nunc quomodo de hac re poetae scaenici egerint videamus.

Sed priusquam de poetis tragicis disputem, libros illos virorum doctissimorum, quibus hac in dissertationis parte maxime usus sum, hoc loco afferre liceat.

De tragediarum quidem huc pertinentium consilio et fragmentorum disponendorum ratione quod sciam copiosius

1) Uberius de hac re disputaverunt O. Mueller. prolegg. p. 86 sq., Welcker, gr. götterl. I, p. 67. Fr. Jacobs, ser. var. III, p. 98 sq.

2) I. l. p. 389.

3) I. l. p. 4.

egerunt A. Matthiaeus (Eurip. IX, p. 138—160), Welckerus (Aesch. tril. p. 378—390; gr. tragg. I, p. 348; p. 352. II, p. 636 sq., p. 668 sq.), Hartungus (Eurip. restitutus I, p. 86—94; p. 365—374), Schoellius (in libro de tetralogia tragg. Attic. I, p. 156 sq.), Wagnerus (trag. gr. fragm. I, p. 122—123; p. 198—202; p. 240—241; p. 313—314. II, p. 154—173 = ed. Par. p. 690—699).

Nunc ut quae pertinent ad singula disseram, ex argu-
mento fabulae Aeschyleae quae Septem adv. Thebas inscribitur
Aristiam fabulam docuisse, cui nomen inditum erat *Περσέας*,
in aperto est. In qua tragedia Danaen saepius com-
memoratam fuisse statuere debemus, etiamsi quomodo et qua
occasione dicere omnino non possumus.

Similiter Danaes nonnunquam mentionem factam esse
arbitror in Aeschylī dramate, quod *Φορκίδες*¹⁾ nominabatur,
quanquam et hoc dramate fabula Danaea ipsa non tractata
esse videtur, sed sicut ex ipso titulo concludi potest, quam
magna pericula Perseus apud Gorgones subierit poetam effin-
xisse verisimile est. Manifestum id est praeterea et e frag-
mento illo uno, quod nobis tradidit Athen. IX, p. 402 B:
οἱ περὶ τὴν Σκυελίαν κατοικοῦντες ἀσχέδωρον καλοῦσι τὸν σύναγρον. Αἰσχύλος γοῦν ἐν Φορκίσι παρεικάζων τὸν Περσέα τῷ ἀγριῷ τούτῳ σὺν φησιν.

Ἐδν δὲ ἐς ἄντρον ἀσχέδωρος ὡς
quae verba recte ut equidem existimo Welckerus²⁾ de Perseo
in Gorgonum antrum, ut Medusam interficeret invadente dicta
esse suspicatus est — et ex Eratosth. catast. c. 22 (p. 130.
sq. Rob.): *Περσέας . . . δοκεῖ δὲ καὶ ἄρπην παρ' Ἡφαίστου λαβεῖν ἐξ ἀδάμαντος ὡς Αἰσχύλος φησὶν . . . ἐν Φορκίσιν.* Era-
tosthenem autem in tota hac narratione Aeschylī fabulam secutum
esse probabilis est sententia Roberti.

Deinde commemoratur in Aeschylī indice fabularum drama,
cui nomen *Πολυδέκτης* erat. Qua in tragedia, quod quidem
e nomine intellegimus, illa fabula, quam schol. Apoll. Rhod.

1) De nomine cf. Preller. gr. myth.³ II. p. 62.

2) Aesch. tril. p. 386.

1415 nobis e Pherecyde tradidit, depicta esse videtur. Quod si statuimus, Danaen in hoc quoque drame saepius commemoratam fuisse opinari licet; ceterum aliud de hac tragoedia testimonium non exstat. Welckerus¹⁾ autem satis multa de Polydecta tragœdia suspicatus est, quae certa ratione neque comprobari neque refutari vix poterunt. Argumentum enim tragœiae huius Aeschyleae receptum esse iudicat in Hygini de Acrisio Polydectaque fabulis, ubi haec scripta sunt verba²⁾: „Danae Acrisii et Aganippe filia. Quam (sc. Danaen) pater ob stuprum inclusam in arca cum Perseo in mare deiecit. ea voluntate Jovis delata est in insulam Seriphum. Quam pis-
cator Dictys cum invenisset effracta vidit mulierem cum infante, quos ad regem Polydectem perduxit, qui eam in coniugio ha-
buit et Perseum educavit³⁾ in templo Minervae. Quod cum Acrisius rescisset, eos ad Polydectem morari, repetitum eos profectus est. Quo cum venisset, Polydectes pro eis deprecatus est: Perseus Acrisio avo suo fidem dedit, se eum nunquam interfectorum. Qui cum tempestate retineretur, Polydectes moritur. Cui cum funebres ludos facerent, Perseus disco missō, quem ventus distulit, infregit caput Acrisii et eum interfecit. Ita quod voluntate sua noluit, deorum factum est. Sepulto autem eo Argos profectus est regnaque avita possedit.⁴⁾ Deinde legimus in Hyg. fab. 273: Perseus, Jovis et Danaes filius, funebres (sc. primus ludos fecit) Polydectae nutritori suo in insula Seriphō, ubi discum iaculatus⁴⁾ percussit Acrisium avum suum et occidit.”

Quibus in fabulis singulare est, quod Hyginus nomen matris Danaes, quae vulgo Eurydice nominatur, Aganippen fuisse tradit; deinde quod Polydectes, qui apud alios, qui hanc fabulam enarraverunt, Danaen, ut matrimonio secum coniungat cogere vult, hic et illam in coniugio habet et Perseum educat;

1) Aesch. tril. p. 386.

2) Fab. 63. ed. Maur. Schmidt.

3) Cf. schol Iliad. § 319: .. Συνέβη ἀνατραφῆναι τὸν παιᾶν παρὰ Πολυδέκτη, ἦ δὲ ἐνιστό φασιν, ὑπὸ Δίκτυνος τοῦ ἀδελφοῦ Πολυδέκτου.

4) Ita cum Perizonio lego pro „dum luctatur”, cf. et Weleker. I. I. p. 389. not. 660.

tum, quod Acrisius, qui secundum omnium aliorum scriptorum de illo referentium narrationes Larissae moritur, hic Seriphī intererit. Denique ex tota Hygini fabula sequitur, Perseum a Polydecta ad Gorgones mitti non potuisse, nt illo ab his interfecto rex ipse cum Danae stuprum faceret. Quae sententia mea affirmatur, quod Hyginus hac in fabula 63 nihil de Gorgonibus dicit, quanquam in fab. 64 et Gorgones et Perseum commemorat, sed hic nihil de Polydecta.

Hanc igitur Hygini narrationem ex Aeschyli Polydecta depromptam esse ut demonstraret, Welckerus complura haud incredibilia quidem, sed ad arbitrium suum facta disseruit.

Maximeque hic ad illud iudicium adductus esse videtur ex ea sententia, quam male inesse putavit in Hygini verbis „qui cum tempestate retineretur”, in quibus pronom. relat. „qui” ad Perseum refert a Gorgonibus redeuntem. Welckeri autem sententiae hoc potissimum opponi potest, singulari illi narrationi, quam Hyginus afferit, nullo alio loco nobis traditam esse similem. Sophoclem quidem Euripidemque in tragoeidiis, quae ad nostram fabulam pertinent, famam vulgataam secutos esse infra explicabimus. Denique si Hyginum ex Polydecta Aeschyli tragoeidia fabulam suam enarrasse existimaremus, in Phorcidaibus quoque alia de causa quam pervagata Perseum Medusam interfecisse necesse esset statui, cum opinari liceat Aeschyli tragoeidas Polydectam et Phorcides ad unam trilogiam esse referendas.

Neque vero Aeschylum in unius trilogiae tragoeidiis diuersas adhibuisse fabulas verisimile est

Quae cum ita sint, Hyginum non ex Aeschyli tragoeidia fabulam suam deprompsisse arbitror. At quem alium poetam vel mythographum hac in fabula ille secutus sit in dubio relinquere malo, quam conjecturam afferre, quam argumentis accuratius firmare non possim¹⁾.

1) Ceterum cf. Welcker., qui de Hyg. verbis „qui eam in coniugio habuit” haec adnotavit tragg. gr II p. 637: „doch ist der zusatz ungelehrt, im widerspruch mit alten sagen und vielleicht nur von einem späteren mythographen eingemischt”. Cf. etiam Vatic. myth. I, 157, de quo infra p. 39.

Quibus explicatis de alia Welckeri¹⁾ sententia, quae minime mihi placet, pauca disseram. Ille enim apud Hesychium s. v. *καθαίρομαι γῆρας* legit ἐκδύομαι. *Αισχύλος Αεράη* pro codicis lectione quae est *δαισι*. Itaque Aeschylum tragediam, quae *Αεράη* inscripta fuerit, docuisse arbitratus hac ipsa sententia maxime impulsus est, ut trilogiam, qua fabula Danaea ab illo tractata sit, restitueret.

Scripturam autem *Αεράη* falsam et potius cum Musuro *Αεραισι* legendum esse G. Hermannus aperte demonstravit²⁾. Jam supra quidem probabile esse dixi Aeschylum in tractanda fabula nostra trilogiae formam adhibuisse. Sed non Danaen tertiam tragediam fuisse, ut Welckerus statuit, sed hoc repetendum esse drama *Δικτυονλκοί*, rectissime G. Hermannus opinatus est. Quorum de argumento quanquam neque quidquam memoriae traditum est, neque ex paucis quae supersunt fragmentis cognosci potest, tamen ille ex piscatoribus Seriphis, in quorum retia Danae cum Perseo exposita inciderit, tragediae nomen inditum esse argute intellexit. Idem vir doctissimus dilucide ostendit Welckeri sententiam³⁾, non *Δικτυονλκοί*, sed *Δικτυονογοί* legendum et tragediam *Δικτυονογοί* ad illam trilogiam referendam esse, quae ad Athamantem pertineat, prorsus esse reiiciendam.

Quae cum ita sint, Dictyulcos primam, alteram Phorcides, tertiam Polydectem tragediam fuisse arbitror.

Sed quoniam Aeschylus quomodo fabulam Danaeiam tractaverit, quoad eius fieri potest, enucleavimus, inquirere licet ex poesi Sophoclea quid ad fabulam illam pertineat.

. Ac primum quidem in Sophoclis tragediis, quae hoc revocandae sunt, ea numeratur, cui nomen inditum est *Ἄξριός*; deinde eiusdem poetae tragedia *Αεράη* saepius commemoratur, tum illa, quae *Αερισαῖοι* appellatur; in qua Acrisii

1) Aesch. tril. p. 378 sq.

2) In relatt. societ. saxon. I, p. 121. sq. = opusc. VIII, p. 175 sq

3) Aesch. tril. p. 336 sq. et append p. 124 sq.

mortem expositam fuisse constat. Cum autem homines docti in eo offenderent, quod Sophocles, si de tribus diversis tragoe- diis cogitaremus, eandem fabulam iterum tractasse videretur, Ἀντίσιος titulum nihil esse nisi aliam significationem aut pro Larisaeorum¹⁾ aut Danaes tragoeadia coniecerunt.

Sed Larisaeos non idem fuisse drama atque Acrisium iam Jacobsius tanta probabilitate ostendit²⁾, ut plane ei assen- tiendum esse censeam³⁾. Quodsi ille adnotat, num tragoeidia Ἀντίσιος eadem sit atque Λαράνη, aut difficile aut omnino non posse enucleari, cum ex hac tragoeidia per pauca iam super- sint verba, haud comprobaverim. Welckerus quoque⁴⁾ rem in medio reliquit; dicit enim, cum Acrisius in duabus fabulis partes haberit, fieri potuisse, ut pro Acrisio, quo haec tra- goedia facilius a Larisaeis distingueretur, etiam Danaes nomen adhiberetur: nam Danaen sine dubio idem argumentum com- plexam esse atque Acrisium Cogitari tamen posse, Sophoclem hoc argumento etiam in dramate satyrico usum esse⁵⁾.

Sed quod attinet ad per pauca illa quae Jacobsius comme- morat verba: quid in dramate, cui Danaes nomen erat, trac- tatum fuerit, suspicari saltem possumus ex frg. 169⁶⁾:

οὐκ οἴδα τὴν σὴν πεῖραν· ἐν δ' ἐπίσταμαι,
τοῦ παιδὸς ὄντος τοῦδ' ἔγὼ διόλλυμαι.

Quae verba Wagnerus⁶⁾ dici potuisse existimat et ab Acrisio et a Polydecta. Statuit autem, praeter Larisaeos duas tragoeidas fuisse Danaen et Acrisium, et Acrisium quidem in uni- versum idem argumentum habuisse quod Euripides in Danae⁷⁾ spectandum proposuerit, Danaei vero Sophocleam continuisse eam historiam quamvis longe alia ratione tractatam, quam Aeschylus in Polydecta, Euripides in Dictye⁷⁾ repraesentaverit.

1) Ita Brunckius

2) In additam. ad Sulzeri theor. art. IV, p. 122.

3) Cf. Wagner. l. l. I. p. 198.

4) Gr. tragg. I. p. 349.

5) Coll. Nauck.

6) l. l. p. 198 et 240.

7) Cf. infra p. 30.

Ex mea autem sententia nemo illa verba facere potuit nisi Acrisius. Nam ex verbo *παιδὸς* concludere licet, Perseum, de quo solo illis versibus sermo esse potest, atque ita quidem ut praesentem eum adfuisse statuendum sit propter verbum *τοῦδε*, adhuc puerum esse. Quod si ita se habet, neque Polydectem puniri potuisse a Perseo, neque Perseum iam tum Medusae caput petiisse manifestum est. Sed facile verba illa interpretari possumus, si ea ab Acrisio ad Danaen de Perseo adhuc parvulo dicta esse intellegimus. Quae cum ita sint, in dramate Danaes nomine inscripto Danaen in exsilio missam proposuisse poetam crediderim. Eandem autem fabulam tractatam fuisse dramate, quod *Ἀχρίσιος* nominabatur, Jacobsius, si quid e fragmentis potest colligi¹⁾ recte demonstravit. Jam igitur restat, ut aut cum Welckero titulum qui est *Δανάη* interdum positum esse pro Acrisio arbitremur, aut illud, quod idem Welckerus²⁾ et Ribbeckius³⁾ coniecerunt, Sophoclem argumentum illud dramate et tragicō et satyrico tractasse probemus. Sed equidem cum Wagnero⁴⁾ vix credibile puto, idem argumentum dramate satyrico et tragicō exprimi potuisse ab eodem poeta, minime vero fabulam Danaeiam, quia ex Welckeri ipsius verbis²⁾ Danaen cum Perseo parvulo coniunctam fuisse cum satyrorum choro. parum probabile videtur; deinde quod quanquam e Danae dramate sex fragmenta afferruntur apud veteres scriptores, tamen ne semel quidem appositum est *σάτυροι*, quod verbum in fabularum satyricarum commemoratione haud raro legitur. Qua de re potius cum Gerhardo⁵⁾ Acrisium tragediam Sophocleam fuisse, quae promiscue Danae quoque appellata est, propter eam quam ex Welckeri sententia iam supra attuli causam, suspicor.

Nunc, ut ea quae ad singula pertinent, paucis explicemus, initio fabulae, cui titulus fuit *Ἀχρίσιος η Δανάη*, fortasse Acri-

1) Cf. Nauck. I. l. p. 113

2) Gr. tragg. I. p. 349.

3) Trag. Rom. p. 33.

4) I. l. I. p. 198.

5) I. l. p. 3.

sius, accepto nuntio Danaen Perseum peperisse, illam ante se ductam de patre filioli interrogat. Deinde fortasse filiae cum Jovem patrem nominanti Acrisius non credat, illa iterum se pluuea aurea a Jove esse vitiatam pluribus verbis affirmat, cui respondet Acrisius frg. 61:

ὅῆσις βραχεῖα τοῖς φρονοῦσι σώφρονα
πρὸς τοὺς τεκόντας καὶ φυτεύσαντας πρέπει,
ἄλλως τε καὶ κόρη τε κάρογέλα γένος,
αἵς κόσμος ἡ σιγὴ τε καὶ τὰ παῖδες ἔπη.

Fortasse luc etiam pertinet frg. 60:

δῆλον γάρ· ἐν δεσμοῖσι δραπέτης ἀνήρ
κῶλον ποδισθεὶς πᾶν πρὸς ἥδονὴν λέγει.

Deinde Acrisius Danaen in cistam iaci iubet, sed propter id solum, ut ipse servetur. cf. frg. 169, de quo supra iam verba fecimus, et frg. 63:

τοῦ ἔγρη γάρ οὐδεὶς ὁς ὁ γηράσκων ἐρῆ,
et frg. 64: τὸ ἔγρη γάρ, ὁ παῖς, παντὸς ἥδιστον γέρας
θανεῖν γάρ οὐκ ἔξεστι τοῖς αὐτοῖσι δία.

Chorus autem de Danaes rebus sollicitus, cum haec ab Acrisii servis in aedibus, ut de crimine eius pater diiudicet, comprehensa domum plangore compleat, fortasse exclamat frg. 58:

βοῆ τις ὢ·
ἀκούετ; ἡ μάτην ἀλυκτῶ;
ἄπαντα γάρ τοι τῷ φοβουμένῳ φορεῖ.

Reliqua fragmenta quanquam etiam difficilius explicari atque inter se coniungi possunt, tamen Welckeri sententia probabilis mihi esse videtur, qui frg. 62:

θάρσει γύναι τὰ πολλὰ τῶν δεινῶν, ὅναρ
πτενύσαντα νυκτός, ἡμέρας μαλάσσεται

a choro dictum esse censem. Quo autem tempore chorus Danaen his verbis allocutus sit, accuratius definiri nequit.

Quae supersunt singula huius tragœdiae verba, quomodo ad fabulam nostram pertineant, probabilis interpretatio vix inveniri potest.

Nunc ut ad alteram tragoediam Sophocleam, quae ad fabulam nostram referenda est, transeamus, *Λαρισαῖοι*, quod cum ex nomine tum ex fragmentis intellegi potest, de morte Acrisii agebant. Argumentum autem huius fabulae haud dubie iis describitur, quae tradit Pherecydes apud schol. Apoll. Rhod. IV, 1091¹⁾.

Ac primum quidem frg. 347.:

*πολὺν δ' ἀγῶνα πάγξενον κηρύσσεται,
χαλκηλάτους λέβητας ἐκτιθεὶς φέρειν
καὶ κοιλα χρυσόκολλα καὶ πανάργυρα
ἐκπάμπατ' εἰς ἀριθμὸν ἔξικοντα δίς*

ad Acrisium pertinet, quod elucet ex Athen. X, p. 466. B.²⁾

Illum igitur ipsum praemia victoriae proposuisse apparent.³⁾
Deinde frg. 348.:

*καὶ μοι τρίτον δίπτοντι Λωτιεὺς ἀνὴρ
ἀγχοῦ προσῆψεν Ἐλατος ἐν δισκήματι*

certe e certaminis alicuius narratione desumptum est. Sed num Welckerus haec verba de certamine illo agere quo Acrisius imperfectus sit, recte indicet, decerni non potest.

Quibus ex fragmentis et ex nomine tragoediae intellegitur, Acrisium in hac tragoedia mortuum esse Larissae, non, quod apud Hyginum narratum legimus, Seriphi.

Reliqua autem fragmenta qua ratione cum tragoedia Sophoclea contexta fuerint, perspicuum non est.

Denique Sophocles fabulam Danaeiam paucis commemorat in Antig. vs. 944. sq.:

*ἔτλα καὶ Λανάις οὐράνιον φως
ἀλλάξαι δέμας ἐν χαλκοδέτοις αὐλαῖς·
χρυπτομένα δ' ἐν τυμβήρει θαλάμῳ κατεζεύχη*

1) *αντὸς δὲ πτλ.* cf. Apollod. II, 4, 4; Pausan. II, 16, 2.

2) δ δὲ παρὰ Σοφοκλεῖ ἐν τοῖς *Λαρισαῖοις Ἀκρίσιος καὶ αντὸς ἐκπάμπατα δσα πλεῖστα εἶχεν*, ὡς φησιν δ τραγικός sequuntur verba frg. 347.

3) Cf. Welcker. Gr. tragg. I, p. 352.

*καίτοι καὶ γενεῷ τίμιος ω παῖ, παῖ
καὶ Ζηνὸς ταμεύεσκε γονὰς χρυσορύτους,*

quae verba et quid valeant et cur hoc loco dicta sint, optime scholiasta explicat¹⁾.

Atque haec quidem de Sophocle. Nunc Euripides quomodo in componendis duabus tragediis ad fabulam nostram pertinentibus, quibus *Δανάη* et *Δικτυς* tituli fuerunt, versatus sit, videamus.

Quarum tragediarum, ut fere fit in Euripide²⁾, multo plura fragmenta servata sunt quam reliquarum, quae eandem rem complexae erant, fabularum.

Ac primum quidem ut a Danae explicanda initium faciamus, in primis quo loco, utrum Seriphī³⁾ an Argis⁴⁾ fabulam illam agi poeta voluerit nos evolvere opus est. Quod ad explanandum maxime iuvat argumentum huius tragediae quod indicat Joannes Malalas chron. p. 34, 19: *Ιερὶ ἡς* (sc. Δανάης) ἐμνθολόγησεν *Εὐριπίδης* ὁ σοφώτατος ἐν τῇ συντάξει τοῦ αὐτοῦ δράματος ἐν κιβωτίῳ τωὶ βληθεῖσαν καὶ ὑφεῖσαν τὴν Δανάην, ὡς φθαρεῖσαν ὑπὸ Διὸς μεταβληθέντος εἰς τὸν χρυσόν. Elucet enim his ex verbis, Euripidem in Danae ex parte quidem quomodo Acrisius filiam abegerit explicasse. Attamen Matthiaeus nescio quo iure in hunc modum disputat: „Argumentum”, inquit, „fabulae, quod fuit, et quae partium descriptio, difficile est dicere; nam qui loci ex ea laudantur, ii fere sententias ad universum genus pertinentes continent, ut ii in aliis etiam fabulis locum invenire potuerint.“ Quae illius sententia de nonnullis quidem fragmentis recta est; sed etiamsi Welckero

1) Ad Soph. Antig. v. 944: *παραμνθούμενος ὁ χορὸς τὴν Ἀρτιγόνην εἰς παράδειγμα τὴν Δανάην εἰσάγει, δέστι καὶ ἐκείνην ὁ πατὴρ Ἀργίσιος, διότι ἐν πύργῳ οὖσα ἔγκυος γέγονεν ὑπὸ Διός, χρυσοῦ γενομένου καὶ παταρεύντος ἐπὶ ταΐτην ἀπὸ τοῦ τέγονος, ὅργισθεις ἐν χαλκῷ κιβωτίῳ μετὰ τοῦ παιδὸς ἐνέκλεισεν. δέστι δὲ τὸ χαλκοδέτοις αὐλαῖς καὶ τὸ τυμβήρει θαλάμῳ ταντό.*

2) Cf. Bernhardy. gr. litgesch. II, 2, p. 444. Nauck. de Eur. ingenio (in Eur. ed. Lips. 1857) p. XXXVI. Valcken diatr. in Eur. init.

3) Ita Matthiaeus.

4) Ita Welckerus, Wagnerus.

non assentior, qui omnia huius tragoediae fragmenta explicar-
conatus est, tamen plura quam Matthiaeus aliqua ex parte inter-
pretari conabor. Matthiaeus enim 'Unum', pergit, est frg. 325:

*Tάχ' ἀν πρὸς ἀγκάλαισι καὶ στέρωσις ἐμοῖς
πηδῶν ἀθύροι καὶ φιλημάτων ὅχλῳ
ψυχὴν ἐμὴν κτήσαιτο. ταῦτα γὰρ βροτοῖς
γίλτρον μέγιστον αἱ ξυνουσίαι πάτερ,*

e quo de temporum ratione ac personarum conditione ac for-
tuna aliquid suspicari possis: in eo quippe loquitur mulier,
liberis adhuc carens, ut videtur, de voluptate e pueri in sinu
ludente percipienda, sermone ad patrem converso. Haec si
Danae fuit, dicere illa non potuit Argis, cum a Jove com-
pressa partus tempore instante patris iram timeret. Nihil igitur
restat nisi ut Danaen Seriphi, Polydectae nuptam, e quo non-
dum pepererat, haec patri dixisse, qui Danaen et Perseum
repetitum in Seriphum venerat, ut est apud Hyginum fab. 63¹⁾,
statuamus. Quae Matthiae sententia minime recta est. Danaen
enim vel Argis ita dicere potuisse iam Welckerus²⁾ fusius
explicavit, qui illis verbis a Danae expressum esse censet,
quam magna filio procreato laetitia afficeretur. Accedit quod
Danae a Jove ipso mire compressa se innocentem esse putabat.
Deinde Argis scenam dramatis fuisse probabile est propter
prologum illum Pseudo-Euripideum³⁾, qui exstat apud Nauckium
p. 552—554. Welckeri enim et Fritzschii⁴⁾ opinio, qui cum
auctori huius fragmenti aliquam famam aut ipsa fragmenta
genuinae Danaes Euripideae ante oculos habuisse suspicantur,
tum personarum catalogum Pseudo-Euripidem illum non emenē
titum esse existimant, veri non est dissimilis. Tum si Seriphum
statuimus, fere omnia genuinae tragoediae fragmenta nisi libere
atque ad nostrum arbitrium interpretamur, explicationem vix

1) De qua iam supra p. 15 sq. egimus.

2) Gr. tragg. II, 641.

3) Quem Fr. Jacobsius singulari commentatione, repetita in eius
script. var. V, p. 607—35. tractavit.

4) Ad Aristoph. Thesmoph. vs. 412. §

admittunt, ut Matthiaeus ipse iudicio illo supra allato quodammodo concedit. Denique Sophoclem eam fabulae partem, quae Argis agebatur, tragoedia illa cui *Ἀρείη* ή *Ἄργιος* nomen fuit, quae Seriphī, Polydecta tractasse supra commemoravimus. Euripidem igitur in fabula tractauda Sophoclem secutum potius ea quae Seriphī agebantur Dictye drāmate, de quo infra, quae Argis, Danae tractasse haud improbabile est. Quae cum ita sint, illud quoque efficitur ut ea, quae Hyginus fab. 63 narravit, Danae Euripideae nullo modo materiam praebuerint, cum ea ad Acrisiū potius et Perseū neque vero ad Danaen pertineant. Euripideum drāma, si haec continuisset, nullo modo *Ἀρείη* inscribi potuisset; aptissime vero quae Apollodorus tradit, tragoediae argumentum effecisse Welckerus praeclare perpexit¹⁾. Accedit quod Hyginus Danaen iterum ex aliquo praegnantem factam esse non narravit, quod Matthiaeus de Polydecta arbitratur. Denique Euripidem Dictye drāmate prorsus aliam atque quam Hyginus affert famam in fabula nostra tractanda secutum esse videamus²⁾; ab eodem autem poeta eandem fabulam alio loco alio modo tractatam esse vix licet statuere.

Tempus autem quo fabula acta est, nos latet; nam quas affert causas Hartungius³⁾, ut quae ad illud tempus pertineant, eruat, plane reiiciendas esse omnes homines docti concedent.

Nunc ut quae ad singula pertinent exponamus, quae et ex fragmentis et ex prologo illo de genuina tragoedia coniici possint, videamus. Ac primum quidem ex argomento illius prologi cistam, in qua Danae erat cum Perseo filiolo conclusa, a Nereidibus Seriphum ductam esse enarratur⁴⁾. Deinde personas huius tragoediae Mercurium, Danaen, nutricem, Arisium,

1) Cf. Wagner. I. I. II, p. 165.

2) De hac tragoedia cf. infra p. 30 sq.

3) I. c. I, p. 60.

4) ... ἰδούσας δὲ ταῦθ' αἱ Νηρηίδες καὶ πατελεήσασαι τὸ γεγονός ἐμβάλλουσι τὴν πιβωτὸν εἰς δίντυα Σεριφίων ἀλιέων ράντεῦθεν περιεσώθη ἢ τε μήτηρ καὶ τὸ βρέφος.

nuntium, chorū, Minervam fuisse, quae personae¹⁾ in eodem illo arguento enumerantur, valde probabile est.

Ad chorū autem huius fabulae e mulieribus constantem²⁾, fortasse Danaes sociis, haud dubie pertinent quae Pollux IV. 16 111 habet; et e feminis chorus Pseudo-Euripideus quoque constat.

Denique ut in prologo illo, ita in genuinae tragoediae initio Mercurium exstisset, ut Jovis iussu Danaen de rebus adversariis consoletur³⁾, suspicari licet.

Fragmenta autem singula Danaes Euripideae in hunc fere modum explicari posse existimo:

Frg. 318: *γύναι φίλον μὲν φέγγος ἡλίου τόδε
καλὸν δὲ πόντου χεῦμ' ἵδεῖν εὐήρεμον,
γῆ τ' ἡρωὶσθεντάλλονσα πλούσιόν θ' ὑδωρ
πολλῶν τ' ἔπαινον ἔστι μοι λέξαι καλῶν
ἀλλ' οὐδὲν οὔτω λαμπρὸν οὐδ' ἵδεῖν καλὸν
ὅς τοις ἄπαισι καὶ πόθῳ δεδηγμένοις
παιδῶν νεογμᾶν ἐν δόμοις ἵδεῖν φάος*

fortasse Acrisii precibus Danaes ex frg. 325 (cf. supra p. 23) commoti verba sunt, qui et ipse liberos, praecipue filios, maximo sibi fore gaudio confitetur. Eodem pertinere potest

frg. 330: *Γυνὴ γὰρ ἐξελθοῦσα πατρῷών δόμον
οὐ τῶν τεκόντων ἐστίν, ἀλλὰ τοῦ λέχους
τὸ δ' ἄρσεν ἐστηκ' ἐν δόμοις αἱ γένος
θεῶν πατρῷών καὶ τάφων τιμάορον⁴⁾.*

Attamen cum ex sorte sibi pronuntiata ut funditus illius felicitatis expers sit agat, filiam diligentissime includi atque servari, infantem vero ubi paritura fuerit, matrem una cum filiolo interfici iubet⁵⁾. De

1) De nonnullis cf. infra.

2) Cf. frg. 321.

3) Cf. v. 44–48 illius prologi.

4) Cf. Weleker Gr. tragg. II, p. 642 et 643.

5) Errare igitur videtur Gerhardus l. l. p. 3. „schwachsinnig geübte tyrannei des Acrisius“.

frg. 319: *Kαὶ νῦν παραινῶ πᾶσι τοῖς νεωτέροις
μὴ πρὸς τὸ γῆρας τοὺς γάμους ποιονμένους
σχλῆ τεκνοῦσθαι παῖδας οὐ γὰρ ἥδονή
γυναικὶ τ' ἔχθρὸν χρῆμα πρεσβύτης ἀνήρ.
ἄλλ' ὡς τάχιστα, καὶ γὰρ ἐκτροφαὶ καλαὶ
καὶ συννεάζων ἥδὸν παῖς νέοι πατρὶ*

Wagneri¹⁾ sententiam comprobo, qui hoc a Minerva dictum esse arbitratur. Minerva enim, inquit, si re vera ut Pseudo-Euripides ille tradit, inter fabulae personas fuit, haud dubie in fine in scenam processit, et non modo Danaen cum filio a se servatum iri, sed etiam ad quot quantasque res gerendas Perseus natus sit, narravit illaque verba fecit.' Welckerus autem, qui et ipse in extrema huius tragoeiae parte Miner- vam processisse suspicatur, hoc frg. 319. Acrisio minus probabiliter ex mea quidem sententia adtribuit.

Frg. 322: *οὐκ ἔστιν οὕτε τεῖχος οὕτε χοήματα
οὕτ' ἄλλο δυσφύλακτον οὐδὲν ὡς γυνή²⁾*

de feminarum mala fide, fortasse ab Acrisio, disputari apparet. Sed Welckero³⁾, qui cum his verbis coniungi voluit Eurip. incert. fab.

frg. 1046: *Μοχθοῦμεν ἄλλως θῆλν φρονοῦντες γένος·
ἥτις γὰρ αὐτὴ μὴ πέφυκεν ἔνδικος
τί δεῖ φυλάσσειν κάξαμαρτάνειν πλέον;*

assentiri vix ausim, quanquam Wagnerus ei adstipulatus est.

Frg. 324: *Ἐρως γὰρ ἀργὸν καπὲ τοῖς ἀργοῖς ἔφυ,
φιλεῖ κάτοπτρα καὶ κομῆς ἔνδιόματα,
φεύγει δὲ μόχθους ἐν δέ μοι τεκμήριον
οὐδεὶς προσαιτῶν βίοτον ἡράσθη βροτῶν,
ἐν τοῖς δὲ ἔχονσιν ἡβητὴς πέφυκ' ὅδε*

1) In Eur. ed. Paris. p. 695.

2) Cf. Fritzsch. ad Aristoph. Thesmoph. vs. 412, qui ad hunc Euripidis locum Aristoph. Thesmoph. vs. 412 — 415 referi debere iudicat.

3) Gr. tragg. II, p. 1592.

quanquam postremi versus exitum corruptum esse manifestum est, neque satis probabiliter homines docti eum sanare studuerunt¹⁾, tamen ex iis quae antecedunt verbis conicere debemus, illis Acrisium in filiam invectum esse, quod muneribus hominis cuiusdam divitis atque voluptarii corrupta sit, quanquam

frg. 327: *κρείσσων γὰρ οὐτις χοημάτων πέφυκ' ἀνήρ
πλὴν εἰ τις δότις δ' οὗτος ἐστὶν οὐχί δρῶ
auri vi omnes fere homines corrumpi concedit.*

Frg. 323: *ἥν γάρ τις αἴνος, ὡς γυναιξὶ μὲν τέχναι
μέλουσι, λόγῳ δ' ἄνδρες εὐστοχώτεροι.
εἰ γὰρ δόλοισιν ἥν τὸ νικητήριον,
ἥμετες αν ἀνδρῶν εἶχομεν τυραννίδα*

Danae ad Acrisii iniurgia respondisse videtur.

Frg. 321: *συμμαρτυρῶ σοι· πανταχοῦ λελέμμεθα
πᾶσαι γυναικες ἀρσένων ἀεὶ δίκαια*

femina aliqua de inopia atque imbecillitate mulierum conqueritur; sed utrum Danae sive ad chorum sive ad nutricem²⁾, an nutritrix ipsa an chorus haec verba fecerit, perspici iam non potest.

Frg. 322: *Ἐε ταύτων ἥκειν φῆμι ταῖς βροτῶν τύχαις³⁾
τόνδ' ὁν καλοῦσιν αἰθέρ' φέταδ' ἔστι δή·
οὗτος θέροντες τε λαμπρὸν ἐκλάμπει σέλας,
χειμῶνα τ' αὖξει συντιθεὶς πυκνὸν νέφος,
θάλλειν τε καὶ μῆ, ξῆν τε καὶ φθίνειν ποιεῖ.
Οὗτω δὲ θυητῶν σπέρμα τᾶν μὲν εὐτυχεῖ
λαμπρῷ γαλήνῃ, τῶν δὲ συννεφετ πάλιν,
ζῶσιν τε σὸν κακοῖσιν, οἱ δ' ὅλβον μέτα
φθίνοντες ἐτείοντες προσφερεῖτες μεταλλαγέτες*

1) Nauckius εὐτυχής legendum esse suspicatur pro ἱβητης. Wagnerus ἐν τοῖς δὲ έχοντες ήδη παῖς πέφυκ' ὅδε scribendum putat.

2) Nutricem haec in tragodia in scenam prodisse Danaes sociam verisimile est; τροφός et a Pherecyde et in prologo illo Pseudo-Euripideo commemoratur.

3) Ita Musgravius; vulgo βροτῶν τύχαις.

ad tragoeiae exitum pertinere et ab Acrisio fortasse pronuntiatum esse Welckerus Hartungus Wagnerus consentiunt.

Frg. 331: φεῦ τοῖς γενναῖοισιν ὡς ἀπανταχοῦ
πρέπει χαρακτῆρος κορητὸς εἰς εὐψυχίαν ετ

frg. 329: φιλοῦσι γάρ τοι τῶν μὲν ὄλβιων βροτοὶ
σοφοὺς τίθεσθαι τοὺς λόγους, ὅταν δέ τις
λεπτῶν ἀπ' οἴκων εὗ λέγῃ πένης ἀνήρ,
γελᾶν· ἐγὼ δὲ πολλάκις σοφωτέρους
πένητας ἄνδρας εἰζορῷ τῶν πλούσιων
καὶ θεοῖσι μικρὰ χειρὶ θύοντας τέλη
τῶν βουθυτοίντων ὄντας εὐσεβεστέρους ετ

frg. 328: ἄρ' οἰσθ' ὁδούνεχ' οἱ μὲν εὐγενεῖς βροτῶν
πένητες ὄντες οὐδὲν ἀλιράνουσ' ἔτι·
οἱ δὲ οὐδὲν ἵσαν πρόσθεν, ὄλβιοι δὲ νῦν
δόξαν φέρονται τοῦ νομίσματος χάρων
καὶ συμπλέκοντες σπέρμα καὶ γάμους τέκνων;
δοῦναι δὲ πᾶς τις μᾶλλον ὄλβιος κακῷ
πρόθυμός ἐστιν ἢ πένητι κάγαθῷ.
κακὸς δ' ὁ μὴ ἔχων, οἱ δὲ ἔχοντες ὄλβιοι ετ

frg. 320: ὅστις δόμους μὲν ἥδεται πληρούμενους
γαστρὸς δὲ ἀφαιρῶν σῶμα δύστηνος κακοῖ,
τοῦτον νομίζω κανὸν θεῶν συλᾶν βρέτη
τοῖς φιλτάτοις τε πολέμιον πεφυκέναι

de misera pauperum et sapientium hominum conditione et de avaritiae turpitudine agi apparent; quodsi Welckerus et Wagnerus statuerunt, haec verba esse Acrisiai, qui his versibus plura de auri vi dissereret, non comprobo, praesertim cum Acrisium regem ipsum eumque omnium Argivorum ditissimum minime talia verba decere existimem. Et quis est homo ille avarus atque tenax, de quo frg. 330 agitur? Evidem haec verba cum Matthiaeo nimis in universum dicta esse puto, quam ut accuratius et a quo et qua occasione dicta sint explicari possit.

Tum frg. 326. huc non pertinere, sed ad Bellerophontem Euripidis tragoeidam, Wagnerus satis aperte atque probabiliter,

ut mihi quidem videtur, demonstravit.¹⁾ Denique Soph. frg. 856. ex Nauckii disputatione²⁾ Danaes Euripideae fragmentum esse videtur. Welckerus quoque³⁾ hoc fragmentum, quod Sophoclis dicitur, nisi in Phaedra ulla in alia Sophoclis tragoedia quae nobis nota sit dici potuisse negat.

Quae tractavi huius tragoediae fragmenta omnes interpres eodem fere vel simili modo neque nimis difficile neque ad arbitrium fabula Danaea apud veteres scriptores vulgata quam maxime usi explanaverunt; Hartungus vero nullo apud veteres auctore nisus prorsus novam fabulam multis incertarum fabularum fragmentis huc relatis effinxit, ex parte vel ridiculum in modum enarratam⁴⁾ neque ab ullo sano homine comprobata, etiamsi de nonnullis fragmentis recte aliquid iudicavit. Mater autem Danaes, cuius in prologo illo Pseudo-Euripideo mentio non fit, ex Hartungi sententia primas partes in hac tragoedia egisse videtur. Denique quod omnium maxime est temerarium, hanc tragoediam ad arbitrium suum in singulas scenas et actus dispergitus est.

Quibus expositis paucis, cur Euripides fabulae nostrae operam dare voluerit, videamus.

Ac primum quidem illum id egisse crediderim, ut per Acrisii impietatem ipse sese nullam antiquis diviis fabulis praebere fidem confiteretur. Deinde occasione oblata usus esse videtur in feminarum pravitatem atque impietatem invehendi⁵⁾ per eiusdem Acrisii verba. Denique quod summum mihi momentum tragoediae huius effingendae fuisse videtur, Euripidem, cum Danaen et Perseum filiolum ab Acrisio patre in summa eius misericordia tamen crudeliter atque inhumane abdicatos produceret, ut animos spectantium gravissime mo-

1) Ad Eurip. Belleroph. frg. V. cf. et Welcker. gr. tragg. II, p. 790 et 791.

2) Ad h. frgm. et in phil. IV, 542.

3) Cf. et Welcker. gr. tragg. I, 397.

4) Cf. l. l. I, p. 92: . Rex enim (sc. Acrisius), quum videns parvulum nunquam satiari posset et saepe ant per fissuram forium, qua clavis immittebatur, aut per impluvium . in gynaeceum introspiceret, forte animadvertisit filiam parvulo mammam praebentem cet.

5) Cf. Nauck. de Eur. ingenio p. XXXIV una cum not. 73,

veret navasse arbitror, quod illum saepissime tragoediis intento studio et labore consecutum esse nemo nescit.¹⁾

At satis iam mihi multa verba fecisse videor de Euripidis Danae; deinceps, ut erat propositum, de eiusdem poetae Dictye agatur, quod Euripidis drama ad nostram pertinere fabulam primus Musgravius²⁾ recte perspexit.

Cuius tragoediae chorum aut Seriphii incolis aut Polydectae servis constitisse Welckerus praecclare ostendit, qui praeterea Dictyn et Danae quomodo Seriphum pervenisset et Perseus cur insula amotus esset prologo explanasse probabili suspicatus est.³⁾ De illis autem, quae poeta ante ipsam tragoediam facta esse voluit, bene disseruit Mathiaeus.⁴⁾ Opinatur enim, Polydectae dolo falsum rumorem pervagatum esse, Perseum ut Gorgones interficeret profectum in peregrina terra esse mortuum, quo facilius Danaen quae filii auxilio orbatam sese putaret, Polydectes sibi reconciliaret. Quae quam sit probabilis sententia, intelligitur, si Musgravium⁵⁾ sequimur, qui teste Plutarcho⁶⁾

frg. 336: *δοκεῖς τὸν Ἀιδηρὸν τῷ φροντίζειν γόσων
καὶ παῖδες ἀνήσειν τὸν σόν, εἰ θέλοις στένειν;
παῦσαι· βλέπουσα δὲ εἰς τὰ τῶν πέλας κακὰ
ὅφεν γένοι ἄν, εἰ λογίζεσθαι θέλοις
ὅσοι τε γηράσκουσιν ὁρφανοὶ τέκνων,
τοὺς δὲ ἐκ μεγίστης δλβίας τυραννίδος
τὸ μηδὲν ὄντας ταῦτά σε σκοπεῖν χρέων*

ad nostram tragoediam referendum esse argute iudicavit. Accedit, ut Welckerus recte intellexit, a Polydectae

1) Cf. Quintil. X, 1, 68: *in affectibus vero cum omnibus mirus tunc in iis, qui miseratione constant, facile praecepimus* (sc. Euripides), ad quod iudicium illustrandum cf. Eurip. Troad., Androm., Iphig., Aul., Med. alias eiusdem poetae tragoedias. De tempore tragoediae cf. Wilamowitz, anal. Eur. p. 151.

2) In Eur. ed. Oxon. a. 1778, III, p. 559.

3) Gr. tragg. II, p. 669.

4) I. 1 p. 153.

5) I. 1. III, p. 560, et 561; cf. et Bentlei. epist. ad Millium, p. 15,

6) Moral. p. 106. Λ: δὲ παραμυθούμενος τὴν Αινάην δυσπενθοῦσαν Αἴτινας φησάς. Δικεῖς τὸν Ἀιδηρὸν οὐτι,

moribus, qui subdole Perseum ad Gorgones miserat, quod iterum ad Danaen fallendam dolum intenderit alienum fuisse non videtur.

Quae cum ita sint, pleraque reliqua fragmenta vel inter se coniungere vel interpretari possumus.

Frg. quidem 334:

*εἰς γάρ τις ἔστι κοινὸς ἀνθρώποις νόμος
(καὶ θεοῖσι τοῦτο δόξαν, ὡς σαφῶς λέγω)
θηρόιν τε πᾶσι, τέκνα τίκτουσιν φιλεῖν.
Τὰ δ' ἄλλα χωρὶς χρώμεθ' ἄλληλον νόμοις*

Danaen nuntiata Persei morte moestitiam suam excusare verisimile est.

De frg. 337:

*τί μ' ἀρτὶ πημάτων λελησμένην
ορθοῖς;*

plane assentior Welckero, quem cum aliis locis tum hoc Wagnerus secutus est. Atque is 'Danaes', inquit, haud dubie verba sunt dicta cum a choro monita esset accedere nuntium de Perseo relaturum. Similiter enim Tecmessa de adventu nuntii certior facta (Soph. Ai. 787) exclamat: *Τί μ' αὖ τάλαιναν, ἀρτίως πεπαυμένην κακῶν ἀτρύτων, ἐξ Ἐδρας ἀνίστατε;* quem locum iam scholiasta aptissime cum nostro contulit. Verba

frg. 335: *νέος πονοις δέ γ' οὐκ ἀγνύμναστος φρένας*
quin de Perseo dicta sint vix dubitari potest; sed non satis manifestum est neque quando neque a quonam homine haec verba facta sint. Similiter dubitare licet utrum chorus an Danae an alius quis locutus sit versus

frg. 343: *μὴ νεῖκος, ὃ γέραιε, κοιράνοις τίθον·
σέβειν δὲ τοὺς κρατοῦντας ἀρχαῖος νόμος,*

quo Dictyn ne cum Polydecta controversiam habeat admoneri recte ex mea quidem sententia Matthiaeus suspicatus est. Welckeri autem sententiam, haec verba a paedagogo dicta esse, nihil valere recte Wagnerus a. h. l. disseruit, cuius ad argumentum hoc quoque afferri potest, quod paedagogus in

prologo illo, qui Euripidi falso tribuitur, non nominatur.
Verbis autem

frg. 338: θάρσει· τό τοι δίκαιοι λσχύει μέγα

Danaen in summo discrimine rerum consolatione cuiusdam
leniri apparet, quanquam ne haec quidem verba quis elocutus
sit, certum est.

Frg. 333: ἐγὼ νομίζω πατρὶ φίλτατον τέκνα
παισὶν τε τοὺς τεκόντας οὐδὲ συμμάχους
ἄλλους γενέσθαι φῆμ ἀν ἐνδικωτέρους

una cum

frg. 340: πατέρα τε παισὶν ἥδεως συνεκφέρειν
φίλους ἔρωτας ἐκβαλόντ' αὐθαδίαν,
παῖδάς τε πατρὶ καὶ γὰρ οὐκ αὐθαίρετοι
βροτοῖς ἔρωτες οὐδ' ἐκουσία νόσος·
σκαιόν τι δή τὸ χρῆμα γέγνεσθαι φιλεῖ
θεῶν ἀνάγκας ὅστις λασθαι θέλει

Polydecten dixisse Schoellius bene suspicatus esse videtur.
Quae verba hac Schoellii sententia probata a Polydecta dicta
esse coniicio, ut opprobria

frg. 339: ὄντων δὲ παίδων καὶ πεφυκότος γένους
καινοὺς φυτεῦσαι παῖδας ἐν δόμοις θέλεις,
ἐχθρὰν μεγίστην σοῖς συμβάλλων τέκνοις

sibi facta, quibus fortasse Danae conditionem uxoriam ab illo
sibi propositam repellebat, prorsus refutaret. De

frg. 342: φίλος γὰρ ἦν μοι καὶ μ' ἔρως ἔλοι ποτὲ
οὐκ εἰς τὸ μᾶρον οὐδὲ μ' εἰς Κύπριν τρέπων·
ἀλλ' ἔστι δή τις ἄλλος ἐν βροτοῖς ἔρως
ψυχῆς δικαίας σώφρονός τε κάγαθῆς·
καὶ χρῆν δὲ τοῖς βροτοῖς τόνδ' εἶναι νόμον
τῶν εὐσεβούντων οἵτινές γε σώφρονες
ἔραν, Κύπριν δὲ τὴν Διὸς χαίρειν ἔαν

admodum varie interpretes iudicaverunt. Omnium autem rec-
tissimam mihi quidem videtur sententiam proferre Hartungus,
qui ad h. l. Hanc', inquit, cupidinem (sc. Polydectae) stultam
esse ait Danae, longeque ei praferendum amorem virtutis

honestatisque. Negat eadem, mortuo filio se facturam quod vivo facere noluerit, neque luctum, qui ei debeatur, cum nuptiarum laetitia commutaturum.'

Frg. 341.: *Κύπρις γὰρ οὐδὲν νονθετονμένη χαλᾶ,*
ἢν τ' αὐτὸν μᾶλλον ἐντείνειν φιλεῖ,
καὶ πειτα τίχει πόλεμον εἰς δ' ἀνάστασιν
δόμων περαινει πολλάκις τὰ τοιάδε

verba esse, quae Polydectes ad Dictyn fratrem fecerit, cum Matthiae arbitror.

Frg. 346.: *μή μοι ποτ' εἴη χοημάτων νικωμένῳ*
κακῷ γενέσθαι μηδ' ὅμιλοιμην κακοῖς

fortasse Dictyis a Polydecta in Danaeu incitati verba sunt, ne Danaae vim afferat recusantis. Versibus

frg. 347.: *πολλοῖς παρέστην κάφθόνησα δὴ βροτῶν*
ὅστις κακοῖσιν ἐσθλὸς ὁν δομοιος ἦ,
λόγων ματαίων εἰς ἀμιλλαν ἐξισων·
τὸ δ' ἢν ἄρ' οὐκ ἀκονστὸν οὐδὲ ἀνασχετόν
σιγᾶν κλύνοντα δεινὰ πρὸς κακιόνων

Dictyn quod asperius in regem invectus sit, se excusavisse recte et Wagnerum et Schoellum indicasse arbitror.

Frg. 348.: *τυραννικόν τοι πόλλ' ἐπίστασθαι λέγειν*
quin de Polydecta dictum sit vix dubitari potest; sed a quoniam, in incerto est. Verba

frg. 345.: *εἰς δ' εὐγένειαν ὀλίγ' ἔχω φράσαι καλά·*
οὐ μὲν γὰρ ἐσθλὸς εὐγενῆς ἔμοιγ' ἀνήρ,
οὐδὲ οὐ δίκαιος κανὸς ἀμείνονος πατρὸς
Ζηρὸς πεφύκη, δυσγενῆς εἶναι δοκεῖ

quominus cum Schoellio ad Danaen referamus, quae Polydecten nobilitatem sui generis laudantem — quippe qui originem ab Urano duceret — refutaret, non equidem intercedo. Sed de

frg. 344.: *φεῦ, φεῦ παλαιὸς αἴνος ὡς καλῶς ἔχει·*
οὐκ ἀν γένοιτο χρηστὸς ἐκ κακοῦ πατρός ετ

frg. 349.: *εἰ δ' ἡσθα μὴ κάκιστος, οὐποτ' ἀν πάτραν*
τὴν σὴν ἀτίξων τήνδ' ἀν εὐλογεῖς πόλιν·

ως ἔν γ' ἐμοὶ κρίνοιτ' ἀν οὐ καλῶς φρονεῖν
ὅστις πατρόφας γῆς ἀτιμάζων ὅρους
ἄλλην ἐπαινεῖ καὶ τρόποισιν ἥδεται

quid certi dicam me non habere cum Wagnero concedere, quam vel Welckero vel Schoellio in illis fragmentis explicandis assentiri malo. Ille enim Perseum iam diu ante exitum fabulae permutato habitu advenisse arbitratur, quae opinio nullo testimonio firmari potest¹⁾; Schoellius²⁾ autem ex Hygini fab. 63. Acrisium filiae nepotisque desiderio ductum ad Polydecten ut eos repeteret profectum esse, Perseum vero id quod Acrisius postulasset frg. 344. et 349. detrectasse censet. Quam falsa sit haec opinio cum satis luculente iam Wagnerus³⁾ demonstraverit, pauca quae addam habeo.

Illa enim tragoeadia cum Perseum a Polydecta ad Gorgones missum propositum fuisse viderimus, apud Hyginum neque de Persei ad Gorgones itinere, neque de Polydectae in Perseum inimicitia quidquam legitur, sed potius illum et Acrisii nepotem educasse et Danaen in matrimonium duxisse et Acrisium pro iis deprecatum esse Hyginus narrat.

Deinde Hartungus erravit; Ovidii enim narrationem⁴⁾ quanquam in nonnullis cum Euripidis Dictye congruere videtur⁵⁾, tamen ad restituendum drama Euripideum propter artis Ovidiana rationem et indolem adhibere non debuit. Omnino autem etiam in huius dramatis dispositione Hartungiana perpaucia sunt, quae probabiliter defendi posse arbitrer.

Ceterum tragoeadiam nostram doctam esse ab Euripide ol. 77, 1 una cum Medea, Philoctete, Theristis, fabula satyrica, ex arguento Eur. Med. intellegitur.

1) Cf. etiam I. I. II, p. 165.

2) I. I. I, p. 156. sq.

3) I. I. II, p. 165.

4) Met. V, 236. sq.

5) Cf. Ov. trist. II, 381. sq., ubi omnes fere tragedias Euripideas, in quibus Danaen, Ovidium nominasse Hartungus recte admonuit.

Atque in Polydectae persona Euripidem quanta et quam perniciosa esset amoris libido exponere voluisse apparet; praeterea O. Jahnius¹⁾ poetam tyranno Danaae vim allaturo Dictyn, hominem probum qui illum tueretur, certo quodam consilio opposuisse rectissime animadvertisit.

Ex poetis Graecorum tragicis posterioribus ne unus quidem, quod sciam, commemoratur, qui argumentum nostrum tractaverit.

Quibus expositis transire hiceat ad comoedias Graecas, quae aut aperte ad nostram fabulam revocandae sunt, aut saltem ad illam aliquo modo pertinent.

Atque ut a Sannyrione exordiar, illum *Δανάην* comoediam scripsisse scimus²⁾, cuius insigne servaverunt fragmentum et schol. Eur. Orest. vs. 279. et schol. Arist. Ran. vs. 303, ubi Hegelochum tragicum actorem propter pinguiorem pronuntiationem in Eur. Orest. vs. 279 a compluribus comicis poetis irrisum esse³⁾ docent. Hi versus ex Kockii emendatione⁴⁾ in hunc modum legendi sunt:

Τῇ οὖν γενόμενος εἰς ὁπῆν ἐνδύσομαι;
Γητητέον. φέρ' εἰ γενοίμην μυγαλῆ⁵⁾;
ἀλλ' Ἡγέλοχος οὐτός με μηρύσσειν ἀν
οὐ τραγικὸς ἀνακράγοι τ' ἄν εἰςιδῶν μέγα.
ἐκ κυμάτων γὰρ αὐθίς αὖ γαλῆν ὁρῶ.

Quibus in verbis explanandis omnes interpretes consen-tiunt, dicta esse a Jove quomodo ad Danaen perveniat considerante⁶⁾. Haec autem apud Sannyrionem verba Jovem loqui, ut fabulam Danaeiam de aurea pluvia vulgatam ludificetur, manifestum est.

1) In philol. 27, p. 13.

2) Cf. Meineke, hist. crit. com. att. p. 264.

3) Bergk, comment. de rel. com. Att. p. 430.

4) Ant. com. att. frg. I, p. 794.

5) Ad totam sententiam cf. Apollodori fragm. apud Stob. Flòr. VI, 28 (Mein. fragm. com. IV, p. 444): *Καὶ πλειεῖθ' ἡ θύρα μοχλοῖς· ἀλλ' οὐδὲ εἰς Τέκτων όχυρὸν οὔτε τε έποιήσειν θύραν, Διλῆσι γαλῆ παὶ μοιχός οὐκ ἔστεχεται.*

6) Bergk. I. l.; cf. et Meinek. et Kock. a. h. l. et Tzetz. ad Lycophr. 838: *Ζεὺς δέ, ὡς ληροῦσιν, εἰς χρυσὸν μεταστρέψεις αἰτόν, παὶ κυθεῖς διά τινος ὀπῆς ἐμίγη αὐτῇ* (sc. *Δανάη*).

Nam ex aliis quoque comoediis Graecorum ex parte servatis Sannyrionis aetate iam homines multos antiquas de diis fabulas vel novo modo explicasse¹⁾ vel irrisisse appareret, ita ut comici poetae hanc de veterum religione opinionem in scenam transferre non dubitarent.

Deinde Apolophanis comoediae cui *Ἀεράνη*²⁾ nomen fuit, quanquam nullum superest fragmentum, tamen ex titulo suspicari licet, etiam illum quam mire a Jove Acrisia filia vitiata sit, ridicule exposuisse.

Ab aliis autem poetis comicis fabulam de Seripho insula in saxum commutata irrisam fuisse elucet e Strabonis verbis³⁾; οὐτω δ' ἔστι πετρώδης ἡ νῆσος (sc. Σέριφος) ὥστε ὑπὸ τῆς Γοργόνος τοῦτο παθεῖν αὐτήν φασιν οἱ κωμῳδοῦντες. Quae fortasse ad Cratini Seriphios spectare acute Meinekius suspicatus est⁴⁾.

Denique ut opinor has in partes vocandae sunt Heniochi *Γοργόνες*⁵⁾. Sed cum huius comoediae unum fragmentum supersit, e quo nihil quod ad nostrum propositum pertineat apparel, nihil certius de ea dicere possumus; fortasse res a Perseo apud Gorgones gestas Heniochus tractavit.

Jam de tragediis Romanorum, quatenus ad fabulam Danaeiam pertineant, pauca disseramus, quoniam Romanorum poetas tragicos Graecorum tragedias imitatos esse constat.

Ac primum quidem a Livio Andronico, qui primus poesin Graecam Romam transtulit⁶⁾, fabulam illam tractatam esse scimus; sed quomodo in ea versatus sit, omnino enucleari non

1) Cf. quae in Eur. *Ἀεράνη* Acrisia filiae quod iuvenis divitis auro corrupta sit exprobatur.

2) Cf. Mein. I. I. p. 266.; Kock. I. I. I., p. 797.

3) X., p. 487. E.

4) Cf. Mein. frg. com. II, p. 137. sq.; ed. Menandri p. XVIII.; Kock. I. I. I., p. 75 sq., Preller. I. I. II., p. 61, 2; p. 71.

5) De qua comoedia cf. Mein. hist. cr. p. 421.

6) O. Ribbeck. hist. trag. Rom. p. 41.

potest, cum unum fragmentum, de quo admodum licet dubitare, restet apud Non. 473, 31:

. . etiam minitas? mitte ea quae tua sunt magis quam mea.

O. Ribbeckius¹⁾ quidem, cuius ab auctoritate totam hac in dissertationis parte disquisitionem meam proficiisci confiteor, rectissime a. h. l. admonuit: *sana est sententia hominis, qui minas adversarii et opprobria repellat, non tam suam quam illius culpam esse respondens.* In libro autem de historia tragœdiae Romanae composito²⁾ idem vir ingeniosissimus verba illa ad altercationem aliquam pertinere, quae quidem inter quos concertetur, accuratius demonstrari non possit, opinatus est. Itaque utrum recta an falsa sit Ribbeckii ratiocinatio verba illa esse repudiationem opprobriorum, quae Acrisius Proeto obiecerit (cf. Apoll. II, 4, 2), disseri nequit. Sed satis esse verisimilia haec mihi non videntur, quoniam in fabula Danaeia Proetum apud veteres scriptores nisi illo uno Apollo-dori loco³⁾ nusquam commemoratum esse vidimus.

Atque haec quidem de Livio Andronico; sequitur, ut de Naevio pauca disseramus, cuius ex tragedia *Danae* inscripta aliquanto plura quam ex illius supersunt fragmenta. De his quoque quanquam Ribbeckius nuperrime ingeniose ut solet identidem⁴⁾ egit, tamen illa repetere mihi liceat, quoniam fieri non potest, ut omnibus in partibus illius sententias comprobem.

Naevium in fabula Danaeia tractanda Euripidem imitando secutum esse postquam iam Welckerus⁵⁾ Gerhardusque⁶⁾ suscipiti sunt, Ribbeckius⁷⁾ illum ut aemulando in eisdem argumentis tractandis cum Livio Andronico contenderit, ita cum

1) Trag. Rom. fragm. novis curis ed. 1871 p. X.

2) p. 41.

3) Quid de Pindari illo quod dicitur frgm. censeri debeat, iam supra p. 12 explicavi.

4) Cf. frgm. trag. Rom 1852, p. 244 sq.; novis curis ed. 1871, p. XI. et p. 7; hist. Rom. trag. 1875, p. 44 sq.

5) Aesch. tril. p. 389 not. 659.

6) I. 1. p. 3

7) Hist. trag. Rom. p. 44.

in aliis fabulis tum in nostra Acrisium tragicam Sophocleam cum Danae Euripidea inter se contaminasse fusius demonstrare conatus est.

Nunc ut quae ad singula attinent disseramus, fragmenta quoniam sint referenda non liquet, nisi quod nonnulla de Arisii iudicio agunt.

Frg. quidem IV¹⁾: Eam compotem scis nunc esse inventam probris²⁾

fortasse ab Acrisio, ne nimis crudelis videretur, ad illum dictum est, cui ut Danaen in cistam iniiceret imperaverat, vel ad hominem quendam, qui Danaen opprobriorum purgare conatus est.

Deinde frg. VII: Quin ut quisque est meritus praesens pretium pro factis ferat

Acrisius quantum conjectare licet de Danaes quod dicit criminis iratus protulit.

Frg. autem VIII: indigne exigor patria innocens
a Danae, ubi a patre condemnata sit, dictum esse apparet.
Minus apertum est

frg. II: Contempla placide formam et faciem virginis
quae verba fortasse ad Acrisium dicta sunt a quopiam, qui Danaen ab interitu defendere voluit, sive quod Acrisio filiam formosiorum esse, quam ut pessimum daret, sive quod tantam esse illius pulchritudinem explicavit, ut vel Jupiter ipse quin in illam arserit dubitari nequiret. An, ille fortasse perrexit, formosiorum Danaen negas, quam Semelen,

frg. IX: . . . quam quondam fulmine icit Jupiter³⁾?

Magis etiam dubitari potest de

frg. I: Omnes formidant homines eius valentiam,
quae verba vel ad Jovem vel ad Amorem revocanda esse
acute perspexit Ribbeckius; sed magis de Amore hoc fragmento

1) Fragmenta afferuntur ex editione Ribb. fr. trag. Rom. 1871.

2) Ribbeckius in altero libro lectionem probris, in altero probri praeferendam esse putavit.

3) De Semele in hoc fragmento sermonem esse monuit Bergk in mus. Rhen. 1835, p. 74.

agi quam de Jove verisimile esse mihi videtur; nam si verba illa de Jove dici statuerimus, in iis locum communem Naevii ingenio haud satis dignum inesse vix negari poterit; de Amoris vero vi haec quoque verba ut Danae purgetur ad Acrisium praeclare dici potuisse quis est qui neget? Ceterum, quam Ribbeckius quamvis ingeniose excogitavit fabulam illam de Jove et Mercurio Danaes pulchritudinem admirantibus, cum nullo testimonio comprobata sit, neque ex ulla Graecorum tragoeadia quae huc revocanda sit Jovem ipsum in scenam prodisse appareat, plane reiiciendam esse arbitror. Qua de causa, cum hanc quoque sententiam viri doctissimi, verba

frg. III: Excidit orationis omnis confidentia

in fabula illa a Danae sive ad Jovem sive ad Mercurium enuntiata esse, probare nequeam, Hartungi interpretationem praefero¹⁾, qui de illis verbis 'destitutam', inquit, 'se auxilio esse videns virgo (sc. Danae) frangitur animo et ad preces convertitur'; quanquam aliam quoque explicationem de hoc fragmento afferri posse libenter concedo.

Frg. X: Manubias suppetiat prone. . . .

Jovis quidem auxilium invocari Ribbeckio assentiri non dubito²⁾, sed utrum ab Acrisio ad irridendam Danaes de Jove Persei genitore affirmationem an a Danae ipsa Jovis potentia freta illa verba dicta sint, diiudicare non audeo.

Frg. XI: suo sonitu claro fulgorivit Jupiter

non ad frg. X, quod antecedit, referendum esse censeo, non quidem, ut Ribbeckius voluit; nam Acrisium hominem quamvis impium portenta deorum ita sprevisse, ut ad Danaes perniciem iam incumberet, vix cogitari potest. Magis autem probabilis sententia est ab eodem Ribbeckio prolata³⁾, fortasse

1) Eur. rest. I, p. 94.

2) Cf. Ribbeck. frg. trag. Rom. 1871, p. XI: manubias sc. Jovis, h. e. fulmen (cf. Festus p. 129 M.), quod primum de caelo in auxilium ut sibi mittatur precari Danae videtur.

3) Fr. trag. Rom. 1852, p. 246.

Jovem signo caelesti misso, de quo aliquis Danaen certiorem facit illis verbis, desperantem esse consolatum.

Verba frg. V: ... amnis niveo fonte lavere me memini manum explicari non posse Ribbeckius concessit Non multo magis perspicuum est

frg. VI: Desubito famam tollunt si quam solam videre in via quo in fragmento explicando Ribbeckius Klusmannum sequitur, qui hoc fragmento sibi ipsi fortasse virginis abditae custodi pavido' Acrisium illusisse suspicatus est, qui quamvis ne mulieres corrumperentur cautum sit, tamen ne Danae vitiaretur, impide non potuerit.

Denique cur Ribbeckius inc. fab.

frg. I: Male parta male dilabuntur
ad hanc Naevii fabulam referendum esse opinatus sit, causam idoneam non video.

Ceterum a scriptoribus et Graecis et Romanis fabulae nostrae forma antiquissima saepius¹⁾ commemoratur, paucis ac levibus momentis mutatis vel additis. Ovidius quidem (et Hyginus²⁾, qui fortasse in hac re ex illo narrationem suam hausit) Proetum³⁾, qui Acrisium regno depulerat a Perseo lapideum redditum esse enarrat met. V, vs. 236 sq.:

1) Cf. Herod. I, 91. VI, 53. VII, 61; 150. Isoср. X, 59. XI, 37. Paus. II, 23, 7. X, 5. 11. Lucian Tim. 3, 11. de saltatione 44. Eratosth. cat. XXII. Hyg. poet. astron. II, 12. Diod. Sic. IV, 9. Schol. in Germ. p. 147, 17. Apoll. Rhod. IV, 1515. Prop III, 30, 59; III, 13, 10. 12. anthol. gr. XII, 20. Quint. Smyrn., Nonn. passim, alios, quos omnes enumerare nequeo De Stat. Theb. (II, 220. VI, 286) et de Ovid. quibusdam aliis locis cf. p. 45 c. not. 3 et 4.

2) Fab. 64; nam verba Polydectes sive' ex errore scriptoris apposita esse, apparet; de aliis ab Hygino mutatis cf. supra p. 15.

3) Cf. Apollod. II, 4, 4: παραγενόμενος (sc. Πλεσεύς) εἰς Τιφνθά πρὸς τὸν Προίτον παιδα Μιγαπένθην ἡλλάξετο.

Victor Abantiades¹⁾ patrios cum coniuge²⁾ muros
Intrat, et immeriti vindex ultiorque parentis
Aggreditur Proetum. Nam fratre per arma fugato
Acrisioneas Proetus possederat arces.
Sed nec ope armorum, nec, quam male ceperat, arce
Torva colubriferi superavit lumina monstri . . .

Idem vss. sqq. de uno Polydecta refertur, quanquam alii, qui hanc fabulam tractaverunt, Seriphios omnes a Perseo morte punitos esse finixerunt³⁾. Deinde Lactantius, quem secutus est Vaticanus ille qui dicitur mythographus⁴⁾, haec adnotat⁵⁾: ‚Perseus, qui Acrisium obiecto Gorgonis capite convertit in saxum’. Tum alter mythographus Vaticanus⁶⁾, ubi Danaen ad Italiam appulsam esse enarravit⁷⁾, ‚Jupiter’, inquit, ‚Perseum cuidam regi alienum comisit. Quod Juno dolens nefandis odiis persecui coepit eum ac regem instigavit, ut eum aliquo modo perderet; qui misit eum ad diversa monstra perimenda ut Chimaeram et Gorgonem et Medusam.’ Quae ex Herculis fabula de insidiis ab Eurystheo rege Junone auctore illi paratis narrata esse negari non potest. Aliam autem fabulae partem Tzetzes mutavit, qui, cum Pherecydes alii ab Acrisio Perseum inventum esse tres vel quattuor annos natum enarrent, ipse haec profert⁸⁾: ἡ δὲ (sc. Δανάη) ἐν γαστρὶ ἔσχε τὸν Περσέα. Ὁπερ γνοὺς ὁ ταύτης πατήρ, ἀνέμεινε ταύτην τεκεῖν. τεκοῦσαν δὲ σὺν τῷ βρέφει ἐμβαλὼν λάρνακα κτλ.

Denique Plinius memoriae tradidit, Artemonem Danaen

1) Cf. Schol. Eur. Hec. 886.

2) Sc. Andromeda.

3) Cf. Welcker. Aesch. tril. p. 384: ‚Nach der ältesten strafgerechtigkeit geht durch den frevel des kings sein volk mit zu grunde’ cet. cf. et Aristid. I, p. 25; sed Strab. I. c. haec habet: συμπραττόντων ἐκείνων; similiter Tzetzes ad Lycophr. 888.

4) Scriptt. rer. myth. lat. II, 3, ed. Bode.

5) Ad Stat. Theb. I, 255.

6) Cf. Bode l. l. I, 157.

7) De qua fabula cf. infra p. 42.

8) Schol. Lycophr. 838.

pinxisse, „mirantibus eam praedonibus“¹⁾). Quibus verbis Danaen ab illo intellegi, cum arca ad Seriphum appulsa a Dictye, fortasse piscatoribus sociis comitato²⁾), inventa sit, verbo „praedonibus“ parum accurate pro piscatoribus sive barbaris dicto cum Helbigio³⁾ suspicor, quanquam Heynii⁴⁾ aliorumque sententia, qui Plinium re vera de praedonibus agere existimant, satis certe refutari non potest.

II.

Haec igitur cum in paucis mutata sint, prorsus alia de Danae fabula nobis tradita est a scriptoribus nonnullis Romanis.

Ac primum quidem Vergilius⁵⁾ haec narrat:

Et Turno si prima domus repetatur origo
Inachus Acrisiusque patres mediaeque Mycenae...

alioque loco⁶⁾ haec:

Protinus hinc fuscis tristis dea tollitur alis
Audacis Rutuli ad muros — quam dicitur urbem
Acrisioneis Danae fundasse colonis —
... Locus Ardea quondam
Dictus avis ...

Eadem fere memoriae tradiderunt C. Silius Italicus⁷⁾ et Plinius maior⁸⁾. Deinde certiora quaedam Servius⁹⁾ praebet:
Danae Acrisii regis Argivorum filia, postquam est a Jove
vitiata, pater eam intra arcam inclusam praecepitavit in mare,
quae delata ad Italiam inventa est a piscatore cum Perseo,

1) h. n. 35, 40.

3) Cf. Overbeck, gr. Kunstmyth. I, p. 413. nr. 10.

3) Cf. bull. dell' inst. 1865, p. 232 et O. Jahn philol. 27, p. 3.

4) Excurs. ad Aen. VII.

5) Aen. VII, 372 sq.

6) Aen. VII, 408 sq.

7) Pun. I, 660.

8) h. n. III, 956.

9) ad Aen. VII, 372. Eadem verba Lactantius quoque fecit ad Stat. Theb. II, 220; cf. etiam mythogr. Vat. I, 157; II, 110, Statius alteram narrationem secutus est I, 255, VI, 286.

quem illic enixa fuerat, et oblata regi Pilumno, qui eam sibi fecit uxorem, cum quo etiam Ardeam condidit, a quibus Turnum vult (sc. Vergilius) originem ducere.'

Ceterum ad quam partem Italiae Dauae appulerit, fama non satis constante traditum videtur¹⁾. Vergilius enim alio loco²⁾ in huic modum :

Nec non et sacri monstrat nemus Argileti
Testaturque locum et letum docet hospitis Argi...

ad quos versus Servius Alii', inquit, 'Danaen cum duobus filiis Argo et Argeo, quos de Fineo habuit, venisse in Italianam et locum, ubi nunc Roma est, tenuisse, ibique Argum Aboriginum insidiis interfectum loco nomen dedisse'³⁾.

Quae fabula quomodo orta sit, in dubitationem cadere nequit. Rectissime enim Heynius⁴⁾ admonuit: Tota fabula nugatorio, quantum quidem video, verborum lusui originem debet, ac si Daunia quae Apuliae pars est, a Danae Acrisi filia nomen et colonos acceperit. A Daunis autem cum Rutulos ortum traxisse vetus fides esset, Danaes fabula etiam ad Rutulos tracta et revocata est.' Quibus plane assentiri non dubito. Vergilium autem ipsum hanc fabulam excogitasse suspicari licet, cum alia Italiae nomina similiter eum in Aeneide explicavisse constat, de qua re Heynius uberius disseruit. Sed cum Danaen ad Apuliam appulsam esse Vergilii narratione traditum fuerit, quin alia quoque Italiae loca de Argivorum genere derivata sint, quae cum Danaes vel Argorum nominibus cohaerere videbantur, ita ut ea, quam Servius tradidit fabulam exorta sit, quis est qui dubitet?

Errat igitur Campana⁵⁾, cum fabulam Danaeiam iam antiquissimis temporibus in Italia pervulgatam fuisse dicat.

1) Cf. Heyne I. c.

2) Aen. VIII, 345.

3) De Argileto cf. Becker. R. A. I, p. 253. sq.

4) Ad Aen. VII, 372. Cf. Preller. roem. mythol. p. 684 sq.

5) Bull. dell' inst. 1845, p. 217.

III.

Satis dictum esse arbitror de scriptoribus, qui fabulam Danaeiam tractaverint; deinceps ut erat propositum, veteres quomodo fabulam nostram interpretati sint, paucis disseramus.

Atque ut ad Danaen Euripideam revertar, in hac Acrisium gravissime in filiam invectum esse, quod non a Jove sed a diviti quodam iuvene auri largitione corrupta esset, supra explicavimus.¹⁾ Quibus versibus Euripidem vel ipse quid de fabula illa cogitaret, vel alii eius aetatis, expressisse quis est quin intellegat? Accedit quod eandem fabulae nostrae partem a comicis quoque poetis Graecis illum sam esse accipere debemus ex Sannyrionis Apollophanisque comoediis, etiamsi in fragmendo servato nihil de auro legitur. Aliam interpretationem de Danae a Proeto corrupta apud Apollodorum scriptam reperimus, de qua supra iam verba fecimus.²⁾

In Romanorum autem comoedia fabula nostra a Terentio³⁾ in hunc modum illuditur:

„Dum apparatur, virgo in conclavi sedet
suspectans tabulam quandam pictam: ibi inerat pictura
haec, Jovem
quo pacto Danaae misisse aiunt quondam in gremium
imbrem aureum.

Egomet quoque id spectare coepi: et quia consimilem luserat
iam olim ille ludum, impendio magis animus gaudebat mihi,
deum sese in hominem convertisse atque in alienas tegulas
venisse clanculum: per pluvium fucum factum mulieri.”⁴⁾

1) Cf. p. 26. Magis perspicue dictum est prologo illo Pseudo-Euripideo vs. 30: ... ὁς ἀπυρος χρυσὸς γεγάς (sc. Ζεύς),
Ποθεινὸν εἰδὼς κτῆμα τοῦτο τοῖς βροτοῖς.

2) Cf. p. 12.

3) Eun. III, 5, 35. sq. ed. Umpfenbach; de tabula illa picta hic commemorata cf. infra p. 49.

4) Cf. Donat. a. h. I: .. Tum quod in gremium Danaes etiam ipse Jupiter ut splendidus imber illabitur, nonne videtur meretrix dicere adolescentulis illam corporis partem auctore Jove velut inauratam fuisse?

Aperte vero de auri perniciosa vi scriptum est, ut ab Horatio incipiam, loco illo notissimo,¹⁾ quae sententia saepissime explanata invenitur etiam in anthologiae graecae permultis epigrammatis.²⁾ Ovidium similiter de fabula nostra cogitasse ex compluribus locis elucet,³⁾ quanquam nonnullis aliis vulgarem illam de pluvia aurea narrationem protulit. De Statio quoque dubitari potest.⁴⁾ Deinde Martialis quid de fabula nostra sentiret, exposuit his verbis^{5):}

Cur a te pretium Danae regnator Olympi
Accepit gratis si tibi Leda dedit?

Simili modo Petronius⁶⁾, Statius⁷⁾, P. Lucilius Junior⁸⁾, Sulpicius Lupercus⁹⁾, Claudianus¹⁰⁾, Joann. Malalas¹⁰⁾, alii, quos omnes referre nequeo, fabulam nostram interpretati sunt.

Tum patres qui dicuntur ecclesiae christianaee, quid de fabula nostra iudicarent, minime celaverunt.¹¹⁾

Atque Augustinus quidem¹²⁾ . . . vel Danaes, inquit, per imbreum aureum appetisse concubitum (sc. Jovem), ubi intellegitur pudicitiam mulieris auro fuisse corruptam¹³⁾; similiter

1) C. III, 16 init. c. scholl., quocum loco optime Mitscherl. contulit Tibull. II, 4 33: Sed pretium si grande feras custodia victa est, Nec prohibent claves et canis ipse taect.

2) Anth. Pal. V, 31, 33, 34, 64, 217, 257; IX, 48; XII, 20, 239; XVI, 285.

3) Met. V, 10; XI, 117; VI, 113; amor. III, 8, 29; quibuscum repugnant met. IV, 611, 697, amor. II, 19, 27 (?), III, 4, 21 (?).

4) Cf. Theb. VI, 286.

5) Epigr. XIV, 175.

6) C. 137. (quocum cf. c. 126).

7) In c. quod Aetna dicitur vs. 88, ed. Wernsdorf. poet. I. min. IV, p. 1, sq.

8) Eleg. vs. 7. ed. Wernsdorf l. l. tom III.

9) In Eutrop. I, 82.

10) Chron. p 34, 19.

11) Cf. quid Dion. Hal. ant. Rom. II, 18 de Graecorum fabulis cogitaverit.

12) Civ. D. XVIII, 13.

13) Eadem verba exstant apud Isidor. etym 1. VIII, c. 11. (§ 34).

Tertullianus¹⁾, vel Lactantius²⁾, qui ‘Danaen’, inquit, ‘viaturus Jupiter aureos nummos largiter in sinum eius infudit. Haec stupri merces fuit; at poetae, qui quasi de Deo loquebantur, ne auctoritatem creditae maiestatis infringereunt, finixerunt ipsum in aureo imbre delapsum.’ Vel Hieronymus³⁾ de auro . . . ‘habes enim’, inquit, per quod Danaes victa est pudicitia; vel Abbas Columbanus⁴⁾, vel Fulgentius⁵⁾, vel Epiphanius⁶⁾, qui haec habet: *Ηρόδος Δανάην δὲ χρυσὸς ἐγίρνετο* (sc. Ζεύς), ὡντα παρθένον σώφρονα θαλαμευομένην φθείρῃ. χρυσὸς δὲ ἔκεινος οὐκ ἥδύνατο γενέσθαι ποτέ, ἀλλὰ γόης ὥν διὰ χρυσοῦ δωροδοκῶν τὴν παρθένον ἤπατησεν⁷⁾; alii.

Denique eandem fabulae nostrae interpretationem scriptam legimus apud mythographos illos Vaticanos, quos plerumque narrationes ad verbum ex fontibus antiquioribus hausisse appetat.

Atque altero loco⁸⁾ haec historia enarrata est: . . . ‘Danae Acrisii filia ad castitatem tuendam acrea ut aiunt turre inclusa, auro quidem non aureo imbre ab eodem Jove corrupta est’, altero⁹⁾ haec: . . . ‘Idcirco autem in aureum imbre mutatus dicitur (sc. Jupiter), quia auro custodes corrupit, et sic cum ea concubitavit.’

Siniles quanquam etiam plures nostrae fabulae commemorationes in veterum scriptis extare suspicor, tamen postremam illius enarrationem eo libello, quo ostenditur, qualiter Jupiter corrupit Danen in specie auri¹⁰⁾ scriptam inveniri arbitror.

1) Apolog. c. 21.

2) Instit. div I, c. 11

3) In epist. ad Gaud. ed. Pairs. tom. II, 534.

4) Cf. carm. III, vs. 61 sq. c. notis Goldasti a. h. l., ubi alii scriptores, qui de eadem re verba fecerunt, afferuntur.

5) Mythol. ad Catum presbyterum, ed. Staveren (mythogr. lat.) a. 1742, lib. I, p. 613.

6) In Ancorato c. 105.

7) Quibus cum verbis cf. Westermann myth. gr. in append. XXIII: οὐτος δὲ ὁ Ζεὺς γοητείᾳ τινὶ γίγνοντες χρυσὸς καὶ Δανάῃ συνεγένετο.

8) III, 3, 5.

9) I, 157.

10) Cf. Wattenbach apud. Haupt. zts. f. d. a. XVIII, p. 457.

At ne Palaephatum personatum omittam, ille de Seriphis in saxa mutatis fabulae ineptam ut solet interpretationem his verbis memoriae tradidit¹⁾: . . λαβὼν δὲ (sc. Περσεύς) τὴν Γοργὸν κατέκοψεν, ἀπαιτησάμενος δὲ τριήρη ἐπέθηκε τῆς Γοργοῦς τὴν κεφαλὴν ἐπ' αὐτὴν καὶ τῇ νηὶ δὲ ὄνομα ἔθετο Γοργώ. ἐν ταύτῃ δὲ περιπλέων χρήματα παρὰ τῶν νησιωτῶν εἰςεπρόστετο καὶ τοὺς μὴ διδόντας ἀνήρει. οὕτω δὲ καὶ τοὺς Σεριφίους ἤτει προεπελάσας ἐκείνους χρήματα· οἱ δὲ ἡμέρας αὐτὸν ἥτησαντο, ἐν αἷς συλλέξοντι τὰ χρήματα. συναγαγόντες οὖν λιθους ἀνδρομάχεις ἔθηκαν εἰς τὴν ὄγορὰν καὶ ἐκλιπόντες τὴν Σεριφον ὄφοντο. προεπελεύσας οὖν πάλιν δὲ Περσεύς ἐπὶ τὴν ἀπαίτησιν τῶν χρημάτων καὶ ἐλθὼν εἰς τὴν ἀγορὰν ἀνθρωπον μὲν οὐδένα εὗρε, λιθους δὲ ἀνδρομάχεις. τοῖς οὖν λιοποῖς τῶν νησιωτῶν ἔλεγεν δὲ Περσεύς, ἐπειδὴν μὴ παρεῖχον τὰ χρήματα δρᾶτε μή, ὡς Σεριφοι τῆς Γοργοῦς θεασάμενοι τὴν κεφαλὴν ἀπελιθώθησαν, τοῦτο πάθητε καὶ ὑμεῖς.

IV a.

Nunc quoniam scriptores et Graeci et Romani, quomodo in fabula Danaea versati sint, explicavimus, paucis, quid de antiquis monumentis, quibus fabula illa illustrata sit, ex veterum relationibus ipsis eluceat, disseramus.

Ac primum quidem thalami, quo Acrisium propter oraculum illud Danaen conclusisse traditum erat, Argis sua etiam aetate vestigia extitisse Pausanias his verbis enarrat²⁾: "Αλλα δὲ ἔστιν Ἀργείους θέας ἄξια· κατάγεων οἰκοδόμημα, ἐπ' αὐτῷ δὲ ὁ χαλκοῦς θάλαμος, δὲν Ἀκρίσιος ποτε ἐπὶ φρονοῦ τῆς θυγατρὸς ἐποίησε. Περίλαος δὲ καθεῖλεν αὐτὸν τυραννήσας. De qua re quid cogitandum sit, luce clarius est. Argis enim, ubi fabulam Danaeiam exortam esse verisimile est, posterioribus temporibus nonnulla monumenta natura idonea sicut

1) De incred. 32.

2) II, 23, 7, quocum loco cf. Paus. X, 5, 11.

οὐκοδόμημα illud¹⁾ hominum memoria ad fabulam illam relata esse, mirum non est.

Deinde quomodo Polydectes a Perseo Medusae capite obtento in saxum commutatus sit, opere quodam caelato expressum fuisse in templi Cyziceni columna undecima scriptum legimus²⁾. Eandem rem in Atheniensium arce pinacothecae quae dicebatur tabula pieta illustratam fuisse Pausanias³⁾ auctor est.

Tum ab Artemone Danaen pictam esse „mirantibus eam praedonibus“ Plinius memoriae tradidit, cuius de verbis iam supra disserui⁴⁾. Sed Artemon quomodo hanc fabulam depinxerit, accuratius intellegi non potest⁵⁾, nisi nonnullas Pompeianas parietum imagines hoc recedere statuimus⁶⁾.

Praeterea Plinius⁷⁾ a Nicia „Danaen“ pictam esse scripsit. Qua imagine Brunnus quanquam summam operam dedit ut fere idem repraesentatum fuisse demonstraret atque imagine Artemonis⁸⁾, tamen equidem cum Overbeckio⁹⁾ quid illa tabula Nicias effinxerit, certius omnino non definiri posse dixerim.

Similiter quae de Praxitile epigrammatis illis duobus scriptum reperimus

ὅ τραγόπονς ὁ τὸν ἀσκὸν ἐπηρμένος αἱ τε γελῶσαι
νύμφαι Ηραξιτέλους ἡ τε καλὴ Δανάη.
λίγδινα πάντα καὶ ἄκρα. σοφὰ χέρες αὐτὸς ὁ Μῆμος
φθέγξεται ἄκρητος, Ζεῦ πάτερ ἡ σοφίη¹⁰⁾

1) Iam ubi fuerit, hoc tempore non satis certe definiri potest. Cf. E. Curtii, Pelop. II, p. 361.

2) Cf. Anthol. Pal. III, 11,

3) I, 22, 7.

4) Cf. p. 41.

5) Cf. Brunn. gesch. d. gr. kuenstler II, 284.

6) Cf. Overbeck. I. I. I, p. 413, 10.

7) h. n. XXXV, 131.

8) I. I. „Danae in der scene, wo sie in dem kasten an das ufer von Seriphos getrieben und von fischern gefunden wird.“

9) I. I. I, p. 413, et p. 588, not. 169.

10) Anth. Pal. XVI, 262.

et Πραξιτέλης ἐπλασεν Δανάην, καὶ φάρεα Νυμφῶν
λύγδια, καὶ πέτρης Ηᾶν' ἐμὲ Πεντελικῆς¹⁾)

ut accuratius explicemus fieri nequit²⁾), nisi cum Overbeckio his versibus quod Danaen neque cum in eam pluvia aurea intraret neque cum ab Acrisio patre arca includeretur, describi manifestum sit, Danaen ad Seriphum insulam appulsam pictam esse censemus.

Tum Terentii de tabula picta aliqua versus illos supra iam attuli. Quos Overbeckius³⁾ quanquam ad tabulam re vera pictam non pertinuisse vix cogitari posse rectissime admonuit, tamen Terentii aetate non solum pluviam auream, sed etiam Jovem in hominem mutatum pictum esse miratur. Opponi autem possunt verba Pherecydis supra allata⁴⁾; deinde cum ex Euripidis temporibus sententia ut supra demonstravi pervulgata fuerit Jovem auri largitione Danaen corrupisse, id ipsum tabula illa a Terentio descripta illustratum fuisse mirandi causam praebere euidem non existimo.

Denique Martialis⁵⁾ in apophoretorum libro de Danae picta epigramma finxit; sed quae aut qualis tabula picta ab illo descripta fuerit, explanari non potest.

IVb.

Sequitur ut iis, quae veteres scriptores de thalamo illo Danaes et de artificibus in fabula nostra versatis memoriae tradiderunt, peractis transeamus ad illam dissertationis partem, qua de operibus artificum servatis, quae ad fabulam nostram pertinent, disseramus.

Sed Overbeckius cum illo libro, quo de Jovis amoribus verba fecit⁶⁾, fere omnes illas imagines, quae ad fabulam

1) Anth. Pal. VI, 317.

2) Cf. Brunn. l. l. I, p. 339. Overbeck l. l. I, p. 414.

3) l. l. I, p. 409.

4) Cf. p. 8. not. 6.

5) Cf. p. 45.

6) Gr. kunstmythologie I, p. 406. sq.

Danaeiam ipsam referuntur, tractaverit, deinde de illis, quibus Perseus Polydecten Seriphiosque lapideos reddens effingitur, O Jahnius¹⁾ copiosissime egerit, per pauca quae addam habeo.

Ac primum quidem in vase illo pulcherrimo Caereti²⁾ fabri Danaes arcam apparantis instrumentum, quod quid sibi velit Overbeckius³⁾ ignoravit, illud esse, quod nostro sermone dicitur ‚drillbohrer,’ graeco *τρυπαρόν*, *ἀρύξ*, Heydemannus⁴⁾ acute ostendit.

Deinde ab Overbeckio mentio nondum facta est illius amphorae Neapolitanae, qua Danae in arca cum Perseo sedens picta est: quam Heydemannus⁴⁾ his verbis descriptis: ... In einem kasten, dessen deckel nach hinten aufsteht, befinden sich eine frau (Danae) in chiton, mantel und reichem schmuck, und ein knabe (Perseus), der die chlamys shawlartig über beiden armen trägt: beide sind uur bis zum bauch sichtbar. Sie weist im gespräch mit der rechteu aus dem kasten heraus, während der knabe erstaunt die rechte hand hebt.’

Tum Trendelenburgus⁵⁾, ubi de tabulis pictis parietum Pompeianis agit, quomodo inter se vel oppositae vel nexae sint, nonnulla etiam ad Danaen pertinentia rectissime attulit.

Denique nonnullis ante annis complures novae tabulae pictae parietum ad nostram fabulam pertinentes Pompeiiis repertae sunt, quas cum ipse nondum ut adspicerem mihi contigerit, verba illorum hominum doctissimorum, qui illas descripserunt, afferre liceat.

Ac de prima quidem Trendelenburgus⁶⁾ haec profert: ... Danae all' isola di Serifo. La figlia di Acrisio, vestita di bianco chitone che, staccato dalla spalla destra, fa vedere la mammella, siede sopra un sasso, avente nel gremio il fanciullo Perseo (oggi non più riconoscibile). Le sta dinanzi un

1) Philol. 27, p. 1. sq.

2) Cf. Overbeck. I. l. I, p. 412.

3) Arch. ztg. 1873, p. 37. sq.

4) Neapler vasencatalog nr. 3140.

5) Arch. ztg. 1876, p. 1. sq.; p. 84. sq.

6) Bullet. dell' inst. 1871, p. 180. cf. Lützow. zts. f. b. k. VII, p. 253.

pescatore in corta tunica colla verga peschereccia nella s., e tra lui e l' infelice madre evvi l' arca, nella quale Danae approdò all' isola sassosa.'

Deinde A. Mavus¹⁾ alteram imaginem his verbis explanauit: . . . Danae in Serifo coi piscatori. A sin. sta seduta Danae, tenendo fra le mani il piccolo Perseo. Non sono chiari tutti i particolari, pare certo però che la testa di Perseo riposi sul di lei braccio sinistro, la cui mano è visibile alla spalla sin. del fanciullo. Si vede anche il braccio d. curvato, ma non saprei decidere, se con esso ella regga i piedi del fanciullo ovvero gli porga la mamma. Il viso è quasi interamente svanito, si vede però ch'ella con profondo dolore guarda la creatura, e per un caso singolare, se non isbaglio grandemente, è stato conservato l' occhio semichiuso. Avanti a lei sta un uomo di carnagione bruna con veste corta e in testa un cappello proprio. Il braccio sin. è curvato in modo che la mano sta vicino alla spalla, sulla quale pare ch' egli porti non so che cosa, mentre la d. regge un canestro rotondo posto verticalmente avanti al basso ventre. Il suo portamento non è quello disinvolto e nobile di un eroe, ma un po' goffo, e pare certo che così il pittore abbia voluto caratterizzare la sua condizione. Fra lui e Danae, ma più indietro, si vede un' altra persona in piedi, vestita, colla mano d. sul petto, veduta di faccia ma colla testa anch' essa rivolta verso Danae. Più a d. si vede la cassa, benchè non siano chiari tutti i particolari: è bianca la parte rivolta allo spettatore, rosso, come pare, il fianco d. A d. della cassa, nell' estremità del quadro, havvi ancora un uomo seduto con veste corta. La parte inferiore del corpo è veduta di faccia, mentre anche qui la testa e la parte superiore sono rivolte verso Danae; della sua posizione si può dire lo stesso che di quella dell' uomo dal capello sopra descritto. Dietro la sua schiena è visibile un oggetto non definibile di color paonazzo, probabilmente lui portato. Finalmente mi pare di riconoscere una persona che stando dietro la cassa vi si appoggia sopra. — Non v' è

1) Bullet. dell' inst. 1875, p. 237.

dubbio che, se questo quadro fosse meglio conservato, sarebbe il più bello esemplare di tale composizione.'

Tum Perseus cum Danae depictus est in tabula aliqua, quae in hunc modum describitur¹⁾: .. Danae, che seduta in riva al mare tiene fra le braccia il fanciulletto Perseo avvolto nelle fasce; stanno innanzi a lei in piedi i due pescatori, uno dei quali barbato, ed in fondo la cassa.'

V.

Reliquum est, ut fabula Danaea quid antiquissimis temporibus significaverit, paucis explicemus. De quae re plurimae atque maxime inter se contrariae exstant sententiae, quarum auctores infra enumerasse satis habeo²⁾. Eam solam de Danae addere mihi liceat coniecturam, quam W. H. Roscherus, vir doctissimus, mecum per literas humanissime communicavit. Is enim Perseum, ut etiam Bursianus³⁾ censuit, antiquitus, qui fulminibus tonitruique imperaret deum fuisse⁴⁾, deinde divina auctoritate derogata unum de Danaorum generis auctoribus effectum, denique quo haec verisimilior esset genealogia, Danaen, Acrisia Argivorum regis filiam, propter nominis similitudinem Persei matrem factam esse suspicatur⁵⁾.

1) Not. d. scavi, 1876, p. 13.; cf. arch. stor. art. arch. e lett. I, p. 268.

2) Cf. Creuzer. symbol. I, p. 769; II, 717; IV, 67 sq. al., Schwenck. and. p. 211. Welcker. ad Schwenck. p. 328. Schwenck., myth. d. Gr. p. 457. Gerhard. myth. § 210, 1. § 209. H. D. Mueller. myth. I, p. 47 sq. Ares p. 45. Mitscherlich. ad Horat. c. III, 16. O. Mueller. Dor. I, p. 401. prolegg. p. 185. Kuhn. zts. VII, 108 sq. Cox, myth. I, 436. sq. Preller gr. myth.³ II, 60. E. Curt. Pelop. II, 343. Panofka. abhdlg. d. B. a. 1854, p. 575. sq. G. Hermann. opusc. II, (de mythol. Gr. antiq.). Weleker Aesch. tril. p. 387. c. not. 658. et Gerhard. I. I, p. 3. Myriantheus, die Aqvins, p. 90. Hahn, sagwissenschaftl. studd. p. 210; p. 340, tab. Prol. Pseudo-Eur. vs. 20; etym. magn. s. v. *Ἄκρης*, alias.

3) Geogr. Grld. II, 1, 36.

4) Cf. Roscheri librum Gorgonen u. verwandtes p. 116. not. 243.

5) Cf. Pauly. realencyclop. IV, p. 613. Gerhard. myth. § 209.

Imagine autem matris carcere caliginoso comprehensae in quam pluvia aurea intret, nubem tonitrum parturientem, cum fulmine dividatur, significari censem: quam sententiam alio fortasse libello pluribus exsequar.

Fabulam autem de Polydecta Seriphoque insula a Perseo in saxa commutata e Seriphi natura saxosa¹⁾ ortam et coniunctam esse cum fabula vel de Medusae capite vel de Perseo, cuius fulminibus omnia obtorpescerent, a probabilitate non abhorret.

1) Cf. Strabon. l. c. et Palaephat. incred. 32.

VITA.

Natus sum Paulus Schwarz Schleswigiae die XIX. mensis Decembris h. s. a. LIX patre Alberto, matre Augusta e gente Hentschel, quos superstites esse valde gaudeo. Fidei addictus sum evangelicae: Primis literarum elementis imbutus Ratiboriae gymnasium per novem annos frequentavi, unde m. Aprili h. s. a. LXXVIII testimonio maturitatis munitus studiis philologicis me datus universitatem Halensem adii, ubi per duo semestria scholis vir. ill. Erdmann, Haym, Hertzberg, Heydemann, Hiller, Keil, Pott interfui; deinde Monachii per sex menses praceptoribus usus sum cum aliis viris ill. tum Bernays, Brunn, Bursian, Christ, K. Hofmann; tum Lipsiis per idem temporis spatium lectiones frequen-tavi vir. ill. Braune, E. Curtius, R. Hildebrand, Over-beck, Zarncke; denique Halas reversus scholas audivi vel audio vir. ill. Gering, Haym, Herbst, Heydemann, Hiller, Keil, Schum, Zacher. Exercitationibus autem Halis Monachii Lipsiis et philologicis et philosophicis et paedagogicis et archaeologicis et germanicis ut interessem benignissime mihi permiserunt vir. ill. Bernays, Brunn, Christ, Gering, Haym, Herbst, Heydemann, Hiller, Keil, Overbeck, Zacher, Zarncke, quibus viris optime de memeritis aequae atque ceteris praceptoribus gratiam habeo quam maximam semperque habebo.
